


詩所

六

漢書門類	一	一	一	一
函號	二	二	二	二
架	四	四	四	四
冊	二	二	二	二

相和歌辭



內閣文庫	漢書類	一	一	一
函號	二	二	二	二
架	四	四	四	四
冊	七	七	七	七

內閣文庫	
番號	漢 11117
冊數	24 ( . 6 )
函號	319 128



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





詩所第六卷

樂府

相和歌辭

相和有平調清調瑟調皆周房中曲之遺聲漢世謂之三調又有楚調側調楚調者

漢房中樂也側調者生於楚調與前三調總謂之相和漢本三部魏明帝分為二本十七曲而朱生

宋識列和等復合之為十三曲其後晉荀勗採舊辭施用於世謂之清商三調歌詩即沈約所謂因

絃管金石造歌以被之者也凡諸調歌辭古曰章今日解大都先詩而後聲詩序事聲成文必使志

盡於詩聲盡於曲是以作詩有豐約制解有多少諸調曲皆有辭有聲而大曲又有豔有趨有亂辭

者其歌詩也聲者若羊吾夷伊那何之類是也豔在曲之前趨與亂在曲之後

相和引

箜篌引

一曰公無渡河朝鮮津卒霍里子高晨起刺船有白首狂夫披髮提壺亂流而渡其

妻隨而止之不及遂墮河死於是援箜篌鼓之絃公無渡河曲聲甚悽愴曲終亦投河而死子



琴瑟



高選以其聲語妻麗玉麗玉傷之乃作箜篌而寫其聲聞者莫不墮淚飲泣麗玉以其曲傳隣女麗容名曰箜篌引又箜篌謠不詳所起

公無渡河公竟渡河墮河而死當柰公何

前題

一作野田黃雀行

魏陳思王植

置酒高殿上親友

一作交

從我遊中厨辦豐膳烹羊宰肥

牛秦箏何慷慨齊瑟和且柔

解一

陽阿奏奇舞京洛出名

謳樂飲過三爵緩帶傾庶羞主稱千金壽賓奉萬年酬

解二

久要不可忘薄終義所尤謙謙君子德磬折欲何求

盛時不再來百年忽我適

解三

驚風飄白日光景馳西流

生存華屋處零落歸山丘先民誰不死知命復何憂

解四

右曲晉樂所奏本辭驚風二句在盛時前

公無渡河

梁劉孝威

請公無渡河河廣風威厲檣偃落金烏舟傾沒犀柅緝

蓋空嚴祠

一作祀

白馬徒牲祭銜石傷寡心崩城掩孀袂

劍飛猶共水魂沈理俱逝君為川后臣妾作江妃娣

前題

陳張正見

金堤分錦纜白馬渡蓮舟風嚴歌響絕浪湧

一作急

榜人

愁權折桃花水颿橫竹箭流何言沈璧處千載偶陽侯

箜篌謠

一作劉孝威

亡名氏

結交在相得骨肉何必親甘言無忠實世薄多蘇秦從



風暫靡草富貴上昇天不見山巔樹摧扞下為薪豈甘

井中泥上出作埃一作時至出作塵

五引五首並梁沈約辭

萌生觸發歲在春咸池始奏德尚仁忘滯以息和且均

右角引

執衡司事宅離方滔滔夏日火德昌八音備舉樂無疆

右徵引

八音資始君五聲興比和樂感百精優游律呂被咸英

右宮引

司秋紀兌奏西音激揚鍾石和瑟琴風流福被樂愔愔

右商引

玄英紀運冬冰折一作物為音本和且悅窮高測深長

無絕右羽引

前題五首並梁蕭子雲辭

蟄蟲始振音在斯五聲六律旋相為韶繼夏盡備咸池

右角引

朱明在離日長至候氣而動徵為事六樂成文從之備

右徵引

宅中為君聲之始氣和而應律生子四宮既作陰陽理

右宮引



君臣數九發涼風三弦夷則白藏通克諧候管和六同

其音為物登玄英制留循短位濁清惟皇創則和且平

相和曲

相和十五曲一曰氣出唱二曰精列三曰江南四曰度關山五曰東光六曰十五七日露八曰蒿里九曰挽歌十曰對酒十一曰雞鳴十二曰烏生十三曰平陵東十四曰東門十五曰陌上桑或云古有十七曲其挽歌有武帝往古篇今亡

氣出唱

二首並魏武帝辭

駕六龍乘風而行行四海外路下之八邦歷登高山臨谿谷乘雲而行行四海外東到泰山仙人玉女下來邀

一作遊驂駕六龍飲玉漿河水盡不東流解愁腹飲玉

漿奉持行東到蓬萊山上至天之門玉關一作關下引見

得入赤松相對四面顧望視正惶惶一作惶惶開王心正興

其氣百道至傳告無窮閉其口但當愛氣壽萬年東到

海與天連神仙之道出窈入冥常當專之心恬澹無所

惕欲閉門坐自守天與期氣願得神之人乘駕雲車驂

駕白鹿止到天之門來賜神之藥跪受之敬神齊當如

此道自來

華陰山自以為大高百丈浮雲為之蓋仙人欲來出隨風列之雨吹我洞簫鼓瑟琴何閶閶酒與歌戲今日相



樂誠爲樂玉女起舞移數時鼓吹一何嘈嘈從西北  
來時仙道多駕煙乘雲駕龍鬱何務務遨遊八極乃到  
崑崙之山西王母側神仙金止玉亭來者爲誰赤松王  
喬乃德旋之門樂共飲食到黃昏多駕合坐萬歲長宜  
子孫

遊君山甚爲真確礧砢爾自爲神乃到王母臺金階  
玉爲堂芝草生殿傍東西廂客滿堂主人當行觴坐者  
長壽遠何央長樂甫始宜孫子常願主人增年與天  
天相守 石二曲魏晉樂所奏

精列 魏武帝辭

厥初生造化之陶物莫不有終期莫不有終期聖賢不  
能免何爲懷此憂願螭龍之駕思想崑崙居思想崑崙  
居見欺於迂怪志意在蓬萊志意在蓬萊周孔聖徂落  
會稽以墳丘會稽以墳丘陶陶誰能度君子以弗憂年  
之暮柰何時過 一作時 一無來微 右曲魏晉樂所奏

江南

古辭有江南思江南行江南曲皆其變也

江南可採蓮蓮葉何田田魚戲蓮葉間魚戲蓮葉東魚  
戲蓮葉西魚戲蓮葉南魚戲蓮葉北 右曲魏晉樂所奏

江南思

宋湯惠休

幽客海陰路留戍淮陽津垂情向春草知是故鄉人



前題

梁簡文帝

江南有妙伎時則應璿樞月暈蘆灰缺秋還懸炭枯含  
丹和九轉芳樹蔭千一作三株何辭天后誚終是列一作到  
仙都

江南行

梁簡文帝

桂楫晚應旋歷岸扣輕舷紫荷擎釣鯉銀一作銅篴插短  
蓮人歸浦口暗那得久迴船

江南曲

梁柳惲

汀洲採白蘋日暖一作落江南春洞庭有歸客瀟湘逢故  
人故人何不返春花復應一作將晚不道新知樂一作只

言行路遠

前題

沈約

櫂歌發江潭采蓮渡湘南宜一作莫須閒隱處舟浦予自  
諳羅衣織成帶墮馬碧玉簪但令舟楫渡寧計路一作  
嵌嵌

度關山

一曰度關曲魏武帝辭

天地間人為貴立君牧民為之軌則車轍馬跡經緯四  
極黜陟幽明黎庶繁息於鑠賢聖總統邦域封建五爵  
井田刑獄有燔丹書無普赦贖臯陶甫侯一作刑何有失  
職嗟哉後世改制易律勞民為君役賦其力舜漆食器



木利哥蘭 卷六  
畔者十國不及唐堯采椽不斷世歎伯夷欲以厲俗侈  
惡之大儉爲共德許由推讓豈有訟曲兼愛尚同疏者  
爲戚 右曲魏晉樂所奏

前題

梁簡文帝

關山遠可度遠度復難思直指遮歸道都護總前期力  
農爭地利轉戰逐天時材官蹶張皆命中弘農越騎盡  
搴旗搴旗遠不息驅虜何窮極狼居一封難再覩闕氏  
永去無容色銳氣且橫行朱旗亂日精先屠光祿塞却  
夫人城凱歌還 一作還歸 舊里非是銜功名

前題

戴嵩

昔聽隴頭吟平居已流涕今上關山望長安樹如薺千

里非鄉邑四海皆

一作百  
姓爲

兄弟軍中大體自相褒其間

得意各分曹博陵輕俠皆無位幽州重氣本多豪馬銜

首蒼葉劍瑩鷓鴣膏初征心未習

一作息

復值鴈飛入山

頭看月近草上知風急笛鳴曲難成笳繁響還澁武帝  
初承平東伐復西征薊門海作塹榆塞冰爲城催令四  
校出倚望三邊平箭服朝來動刀環臨陣鳴將軍一百  
戰都護五千兵且決雄雌眼前利誰道功名身後事丈  
夫意氣本自然來時辭第已聞天但令此身與命在不  
持烽火照甘泉



前題

柳惲

少長

一作長安

倡家女出入燕南垂唯持德自美本以容見

知舊聞關山遠

一作道

何事總金羈妾心日已亂秋風鳴

細枝

前題

劉遵

隴樹寒色落塞雲朝欲開谷深聲易響路狹憶難回當  
知結綬去非是棄繻來行人思顧返道別且徘徊願度  
關山鶴勞歌立可哀

前題

王訓

邊庭多警急羽檄未曾聞從軍出隴坂驅馬度關山

山恒瞻靄高峰白雲外遙望秦川水千里長如帶好勇  
自秦中意氣本豪雄少年便習戰十四已從戎昔年經  
上郡今歲出雲中遼水深難渡榆關斷未通折衝一作衝  
凌絕域流蓬警未息胡風朝夜起平沙不相識兵法貴  
先聲軍一作兵中自有程逗遛皆一作難贖罪先登盡一城  
都護疲詔吏將軍擅發兵平盧疑縱火飛鴟畏犯營輕  
重一為虜金刀何用盟誰知出塞外獨有漢飛名

前題

陳張正見

關山度曉月劍客遠從征雲中出迥陣天外落奇兵輪  
摧偃去節樹倒礙懸旌沙揚折坂暗雲積榆溪明馬倦



時銜草人疲屢看城寒隴胡笳溢空林漢鼓鳴還聽嗚咽水併切斷腸聲

東光

古辭或云東光舊但弦無音宋識造其歌聲

東光乎

一作平下同

蒼梧何不乎蒼梧多腐粟無益諸軍糧

諸軍遊蕩子早行多悲傷

右曲魏晉樂所奏

十五

魏文帝辭

登山而遠望谿谷多所有梗枿千餘尺衆草芝

一作盛

茂華葉耀人目五色難可紀雉雉山雞鳴虎嘯谷風起

號罷當我道狂顧動牙齒

右曲魏晉樂所奏

薤露歌

一曰薤露行亦曰天地喪歌薤露蒿里並古辭漢高帝召田橫至尸鄉自殺從者不

敢哭而不勝哀故為歌以寄哀音至孝武時李延年乃分為二曲薤露送王公貴人蒿里送士大夫庶人使挽柩者歌之亦呼為挽歌

薤上露何易晞露晞明朝更復落人死一去何時歸

前題

魏武帝

惟漢二十二世所任誠不良沐猴而冠帶知小而謀疆  
猶豫不敢斷因狩執君王白虹為貫日已亦先受殃賊  
臣執國柄殺主滅宇京蕩覆帝基業宗廟以燔喪播越  
西遷移號泣而且行瞻彼洛城郭微子為哀傷

奏

前題

陳思王植



天地無窮極陰陽轉相因人居一世間忽若風吹塵願  
得展功勤輸力於明君懷此王佐才慷慨獨不羣鱗介  
尊神龍走獸宗麒麟蟲獸猶一作豈知德何況於士人孔  
氏刪詩書王業燦已分騁我徑寸翰流藻垂華芬

前題

晉張駿

在晉之二世皇道昧不明主暗無良臣艱一作姦亂起朝  
廷七柄失其所權綱喪典刑愚猾窺神器牝雞又晨鳴  
哲婦逞幽虐宗祀一朝傾儲君縊新昌帝執金墉城禍  
釁萌宮掖胡馬動北垆三方風塵起獫狁竊上京義士  
扼素腕感慨懷憤盈誓心蕩眾狄積誠一作慎入天靈

雉露惟漢行

魏陳思王植

太極定二儀清濁始以形三光炤八極天道甚著明為  
人立君長欲以遂其生行仁章以瑞變故誠驕盈神高  
而聽卑報若響應聲明主敬細微三季晉天經二皇稱  
至化盛哉唐虞庭禹湯繼厥德周亦致太平在昔懷帝  
京一作時日晏不敢寧濟濟在公朝萬載馳其名

前題

晉傅玄

危哉鴻門會沛公幾不還輕裝入人軍投身湯火間兩  
雄不俱立亞父見此權項莊奮劍起白刃何翩翩伯身  
雖為蔽事促不及旋張良惜坐側高祖變龍顏賴得樊



將軍虎叱項王前  
噴目駭三軍  
磨牙咀豚肩  
空卮讓霸王  
臨急吐奇言  
威凌萬乘主  
指顧回泰山  
神龍困鼎鑊  
非噲豈得全  
狗屠登上將  
功業信不原  
健兒實可慕  
腐儒安足歎

蒿里傳

一曰蒿里行亦曰泰山吟行

蒿里誰家地  
聚歛竟一作精魄無賢愚  
鬼伯一何相催促  
人命不得少踟蹰

前題

魏武帝

關東有義士  
興兵討羣凶  
初期會盟津  
乃心在咸陽  
軍合力不齊  
躊躇而鴈行  
勢利使人爭  
嗣還自相戕  
淮南

弟稱號刻璽於北方  
鎧甲生蟣蠹萬姓以死亡  
白骨露

於野千里無雞鳴  
生民百遺一念之斷一作絕人腸右曲魏晉

樂所奏

前題

宋鮑照

同盡無貴賤  
殊願有窮伸  
馳波一作滄催永夜零露一作露宿

逼短晨結一作驅我幽山  
駕去此滿堂  
親虛容遺劍  
佩實

一作美又作嘉貌戢衣巾  
斗酒安可酌  
尺書誰復陳  
年代稍推

遠懷抱日幽  
淪人生良自劇  
天道與何人  
齋我長恨意

歸為狐兔塵

挽歌

魏繆襲辭



生時遊國都死沒棄中野朝發高堂上暮宿黃泉下白日入虞淵懸車息駟馬造化雖神明安能復存我形容稍歇滅齒髮行當墮自古皆有然誰能離此者

前題

四首

晉陸機

卜擇考休貞嘉命咸在茲夙駕警徒御結轡頓重基龍

幌

一作荒

被廣柳前驅矯輕旗殯宮何嘈嘈哀響涕中闈

中闈且勿謹

一作喧

聽我薤露詩死生各異倫祖載當有

時舍爵兩楹位啟殯進靈輜飲餞觴莫舉出宿歸無期惟祗曠遺影棟宇與子辭同親咸犇湊友朋自遠來翼翼飛輕軒駸駸策素騏按轡遵長薄送子長夜臺呼子

子不聞泣子子不知歎息重襯側念我疇昔時三秋猶

足收萬世安可思殉沒身易亡救子非所能含言言哽

咽揮涕

一作淚

涕流離

流離親友思惆悵神不泰素驂佇轡軒玄駟驚飛蓋哀鳴與殯宮迴遲悲野外竟與寂無響但見冠與帶備物象平生長旌誰爲飾悲風微

一作鼓

行軌傾雲結流靄振

策指靈丘駕言從此逝

重阜何崔嵬玄廬窺其間磅礴立四極穹隆放

一作效

蒼

天側聽陰溝涌卧觀天井懸壙

一作廣

宵何寥廓大暮安

可畏人往有返歲我行無歸年昔

一作素

居四民宅今



託萬鬼隣昔為七尺軀今成灰與塵金玉昔所佩鴻毛  
今不振豐肌饗螻蟻妍姿一作骸永夷泯壽堂延魍魅虛  
無自相賓螻蟻爾何怨魍魅我何親拊心痛荼毒永歎  
莫為陳

魂衣何盈盈旗旒何習習父母拊棺號兄弟扶筵泣靈

輻動轆轤龍首矯崔嵬挽歌挾轂唱嘈嘈一何悲浮雲

中容與飄風不能迴淵魚仰失梁征鳥俯墜飛

一有士庶挽歌云挺植為塗車束薪作芻靈

前題 三首

陶淵明

荒草何茫茫白楊亦蕭蕭嚴霜九月中送我出遠郊四

面無人居高墳正嶮巖馬為仰天

一作鳥鳴風為

又作風聲

自蕭條幽室一已閉千年不復朝千年不復朝賢

達將

一作無

奈何向來相送人各自還

一作已歸

其家親戚或

餘悲他人亦已歌死去何所道託體同山阿

有生必有死早終非命促昨暮同為人今日在鬼錄魂

氣散何之枯形寄空木嬌兒索父啼良友撫我哭得失

不復知是非安能覺千秋萬歲後誰知榮與辱但恨在

世時飲酒不得

一作恒不足

在昔無酒飲今但湛

一作恨堪

空觴春醪生浮蟻何時更

能嘗肴案盈

一作列

我前親舊哭我傍欲語口無音欲視



眼無光昔在高堂寢今宿荒草鄉一有荒草無人眠極視正茫茫二句

一朝一作相送出門去歸來夜一作良未央

前題

宋顏延之

令龜明兆撤奠在方昏戒徒赴幽冥祖駕出高門行去城邑遥遥守丘園息鑣竟平墜稅駕別巖根

前題

鮑照

獨處重冥下憶昔登高臺傲岸平生中不為物所裁埏門只復閉白蟻相將來生時芳蘭體小蟲今為災玄鬢無復根枯體依青苔憶昔好飲酒素盤進青梅彭韓及廉藺疇昔已成灰壯士皆死盡餘人安在哉

前題

北齊祖珽

昔日一作時驅駟馬謁帝長楊宮旌懸白雲外騎獵紅塵

中今來向漳浦素葢轉悲風榮華與歌笑萬事盡成空

對酒

魏武帝辭

對酒歌太平時吏不呼門王者賢且明宰相股肱皆忠良咸禮讓民無所爭訟三年耕有九年儲倉穀滿盈班白不負戴雨澤如此百穀用成却走馬以糞其土一作上田爵公侯伯子男咸愛其民以黜陟幽明子養有若父與兄犯禮法輕重隨其刑路無拾遺之私囹圄空虛冬節不斷人耄耆皆得以壽終恩澤一作德廣及草木昆蟲



前題

一題上有當字

梁范雲

對酒心自足故人來共持方悅羅衿解誰念髮成絲狗  
性良為達求名本自欺迨君當歌日及我傾樽時

前題

張率

對酒誠可樂此酒復芳一作能醇如華良可貴似乳更甘  
珍何當留上客為寄掌中人金樽清復滿玉枕亟來親  
誰能共遲暮對酒惜芳辰君歌尚未罷却坐避梁塵

前題

陳張正見

當歌對玉酒匡坐酌金壘竹葉三清泛蒲萄百味開風

移蘭氣入月逐桂香來獨有劉將阮忘情寄羽杯

前題

岑之敬

色映臨池竹香浮滿砌蘭舒文泛玉盃漾蟻溢金盤簫  
曲隨鸞易笳聲出塞難唯有將軍酒川上可除寒

前題

周庾信

春水望桃花春洲藉芳杜琴從一作隨綠珠借酒就文君

取牽馬一作牛向渭橋日曝一作落山頭脯山簡接羅倒王

戎如意舞箏鳴金谷園笛韻平陽塢人生一百年歡笑  
惟三五何處覓錢刀求為洛陽賈

雞鳴

一日雞鳴高樹顛古辭



雞鳴高樹巔狗吠深宮中蕩子何所之天下方太平刑

法非有貸柔協正亂名黃金為君門壁一作玉為軒堂

上有雙樽酒作使耶鄆倡劉王碧青甕後出郭門王舍

後有方池池中雙鴛鴦鴛鴦七十二羅列自成行鳴聲

何啾啾聞我殿東廂兄弟四五人皆為侍中郎五日一

時來觀者滿路一作道傍黃金絡馬頭頰頰何煌煌桃生

露井上李樹生桃傍蟲來齧桃根李樹代桃疆樹木身

相代兄弟還相忘右曲魏晉樂所奏

前題

一題下有篇字一作劉孝威

梁簡文帝

時雞識將曙長鳴高樹顛啄葉疑障羽排花強欲前意

氣多驚舉飄颺獨無侶陳思助鬪協狸膏邱昭妬敵安

金距丹山可愛有鳳凰金門飛舞有鴛鴦何如五德美

豈勝千里翔

前題

隋岑德潤

鍾響應繁霜晨雞錦臆張簾迥猶侵露枝高已映光排

空下朝揭奮翼上花場雨晦思君子關開脫孟嘗既得

依雲外安用集陳倉

雞鳴高樹巔

梁簡文帝

碧玉好名倡夫婿侍中郎桃花全覆井金門半隱堂時

欣一來下復比雙鴛鴦雞鳴天尚早東烏定未光



鳥生

一曰鳥生八九子古辭

鳥生八九子端坐秦氏桂樹間  
 惜我秦氏家有遊遨蕩  
 子工用睢陽彊蘇合彈左手持彊彈  
 兩丸出入鳥東西  
 惜我一丸即發中鳥身鳥死魂魄飛揚  
 上天阿母生鳥子時乃在南山巖石間  
 惜我人民安知鳥子處蹊徑窈窕  
 安從通白鹿乃在上林西苑中  
 射工尚復得白鹿脯  
 惜我黃鵠摩天極高飛後宮尚復得烹煮  
 之鯉魚乃在洛水深淵中  
 釣鈎尚得鯉魚口  
 惜我人民生各各有壽命  
 死生何須復道前後

右曲魏晉樂所奏

鳥生八九子

梁劉孝威

城上鳥一年生九雛枝輕巢本狹風多葉早枯  
 自暖張翼強相呼金柝嚴兮翠樓肅  
 蜃壁光兮椒泥積虞機衡網不得施  
 猜鷹鷲隼無由逐永願共棲曾氏寇  
 同瑞周王屋莫啼坡上寒猶賢野中  
 宿羽成翮備各西東丁年賦命有窮通  
 不見高飛帝輦側遠託日輪中  
 尚逢王吉箭猶嬰后一作夏弄弓豈如變彩救燕質  
 入夢祚昭一作周公流一作留聲表師退集幕示營空  
 靈臺已鑄像流蘇時候風

平陵東

漢翟義丞相方進少子也為東郡太守舉兵討王莽不克而見害其門人為作歌以

悲之



平陵東松柏桐不知何人劫義公劫義公在高堂下交  
錢百萬兩走馬兩走馬亦誠難顧見追吏心中惻心中  
惻血出漉歸告我家賣黃犢

右曲魏晉樂所奏

前題

魏陳思王植

閶闔開天衢通被我羽衣乘飛龍乘飛龍與仙期東上  
蓬萊採靈芝靈芝採之可服食年若

一作與

王父無終極

陌上桑

一曰日出東南隅行亦曰豔歌羅敷行亦曰日出行亦曰採桑或云此大曲也邯鄲

女子姓秦名羅敷為邑人千乘王仁妻仁後為趙王家令羅敷出採桑於陌上趙王登臺見而悅之因飲酒欲奪之羅敷乃彈箏作陌上桑之歌以自明趙王乃止魏改曰望雲曲

日出東南隅照我秦氏樓秦氏有好女自名為羅敷羅

敷善

一作意

蠶桑採桑城南隅青絲為籠係桂枝為籠鈎

頭上倭墮髻耳中明月珠細綺為下裙紫綺為上襦行  
者見羅敷下擔捋髭鬚少年見羅敷脫帽著幘頭耕者  
忘其犁鋤者忘其鋤來歸相怒怨

一作怨怒

但坐觀羅敷

一作解

使君從南來五馬立踟躕使君遣吏往問是誰家姝秦  
氏有好女自名為羅敷羅敷年幾何二十尚不足十五  
頗有餘使君謝羅敷寧可共載不羅敷前致

一作置

辭使

君一何愚使君自有婦羅敷自有夫

二解

東方千餘騎夫

婿居上頭何用識夫婿白馬從驪駒青絲繫馬尾黃金  
絡馬頭腰中鹿盧劍可值千萬餘十五府小史二十朝



大夫三十侍中郎四十專城居為人潔白哲鬚鬢頗有  
鬚盈盈公府步冉冉府中趨坐中數千人皆言夫壻殊  
三解右曲魏晉樂所奏前有豔辭曲後有趨

前題 楚辭鈔

今有人山之阿被服薜荔帶女羅既含睇又宜笑子戀  
慕予善窈窕乘赤豹從文狸辛夷車駕結桂旗被石蘭  
帶杜衡折芳拔荃遺所思處幽室終不見天路險艱獨  
後來表獨立山之上雲何容容而在下杳冥冥羌晝晦  
東風飄飄神靈雨風瑟瑟木榲榲思念公子徒以憂  
魏晉樂所奏

前題

魏武帝

駕虹蜺乘赤雲登彼九疑歷玉門濟天漢至崑崙見西  
王母謁東君交赤松及羨門受要秘道愛精神食芝英  
飲醴泉拄杖桂枝佩秋蘭絕人事遊渾元若疾風遊欻  
飄翩一作景未移行數千壽如南山不忘愆右曲晉樂所奏

前題

文帝

棄故鄉離室宅遠從軍旅萬里客披荆棘求阡陌側足  
獨窘步路局狹虎豹嗥動雞驚禽失羣鳴相索登南山  
柰何蹈盤石樹木叢生鬱差錯寢蒿草蔭松柏涕泣雨  
面霑枕席伴旅單稍稍日零落惆悵竊自憐相痛惜右曲



魏晉樂所奏

前題

陳思王植

望雲際有真人安得輕舉繼清塵執電鞭騁飛麟

前題

梁吳均

嫋嫋陌上桑蔭陌復垂塘長條映白日細葉隱鷓黃蠶

饑妾復思拭淚且提筐故人寧知一作去如此離恨煎人腸

前題

一作王褒

王筠

人傳陌上桑未曉已含光重重相蔭映軟弱一作軟自芬

芳秋胡始一作方倚馬羅敷未滿筐春蠶朝已老安得久

彷徨

前題

二首一作採桑前首一作王臺卿後首一作王筠

蕭子顯

令一作今月開和景處處動春心挂筐須葉滿息倦重枝

陰

日出秦樓明條垂露尚盈蠶饑心自急開奩妝不成

前題

四首

王臺卿

鬱鬱陌上桑盈盈道傍女送君上河梁拭淚不能語

鬱鬱陌上桑遙遙山下蹊君去戍萬里妾來守空閨

鬱鬱陌上桑皎皎雲間月非無巧笑姿皓齒為誰發

鬱鬱陌上桑裊裊機頭絲君行亦宜返今夕是何時

豔歌行

晉傅玄



日出東南隅照我秦氏樓秦氏有好女自字爲羅敷首  
戴金翠飾耳綴明月珠白素爲下裙丹霞爲上襦一顧  
傾朝市再顧國爲虛問女居安在堂在城南居青樓臨  
大巷幽門結重樞使君自南來駟馬立踟躕遣吏謝賢  
女豈可同行車斯女長跪對使君言何殊使君自有婦  
賤妾有鄙夫天地正厥位願君改其圖

日出處題

陳張正見

城隅上朝日斜暉照杏梁併捲茱萸帳爭移翡翠牀  
環聊向牖拂鏡且調妝裁金作小靨散麝起微黃二八  
秦樓婦女一作女三十侍中郎執戟超丹地豐貂入建章未

安文史閣獨結少年場彎弧貫月

一作葉

影學劒動星芒

翠蓋飛城曲金鞍橫道傍調鷹向新市彈雀往睢陽行  
行稍有極暮暮歸蘭房前瞻富羅綺左顧足鴛鴦蓮舒  
千葉氣燈吐百枝光滿酌胡姬酒多燒荀令香不學幽  
閨妾生離怨採桑

羅敷行

梁蕭子範

城南日半上微步弄妖姿含情動燕俗顧景笑齊眉不  
憂桑葉盡一作不愛還憶畏蠶饑春風若有顧惟願落  
花遲

前題

陳顧野王



東隅麗春日南陌采桑時樓中結梳罷提筐候早期風  
輕鶯韻緩露重一作霜灑落花遲五馬光長陌千騎絡青絲  
使君徒遣信賤妾畏蠶饑

前題

北魏高允

邑中有好女姓秦字羅敷巧笑笑美回盼鬢髮復凝靨脚  
著花文履耳穿明月珠頭作墮馬髻倒枕象牙梳娉娉  
善趨步襜褕曳長裾王侯爲之顧駟馬自踟躕

日出東南隅行

一作羅敷豔歌

晉陸機

扶桑升朝暉照此高臺端高臺多妖麗濬房出清顏淑  
貌耀皎日惠心清且閑美目揚玉澤蛾眉象翠翰鮮膚

一何潤秀色若可餐窈窕多容儀婉媚巧笑言暮春春  
服成粲粲綺與紈金雀垂藻翹瓊佩結瑤璠方駕揚清  
塵濯足洛水瀾藹藹風雲會佳人一何繁南崖充羅幕  
北渚盈軒軒清川含藻景高岸被華丹馥馥芳袖揮泠  
泠纖指彈悲歌吐清響雅舞一作韻播幽蘭丹唇含九秋  
妍迹陵七盤赴曲迅驚鴻蹈節如集鸞綺態隨顏變沈  
姿無定一作乏源俯仰紛阿那顧步咸可懽遺芳結飛飈  
浮景映清湍冶容不足詠春遊良可歎

前題

宋謝靈運

栢梁冠南山桂宮耀北泉晨風拂檐幌朝日照閨軒美



人卧屏席懷蘭秀瑤璠皎潔秋松氣淑德春景暄

前題

梁沈約

朝日出邗鄆照我叢臺端中有傾城豔顧景織羅紈延  
軀似纖約遺視若迴瀾瑤裝映層綺金服炫彫樂幸有  
同匡好西仕服秦官寶劔垂玉具汗馬飾金鞍榮場類  
轉雪逸控寫騰鸞羅衣夕解帶玉釵暮垂冠

前題

張率

朝日照屋梁夕月懸洞房專遽自稱艷獨伊覽光雖  
資自然色誰能棄薄妝施著見朱粉點畫示頰黃含貝  
開丹吻如羽發清揚金碧旣簪珥綺縠復衣裳方領備

蟲彩曲裾襍鴛鴦手操獨繭緒唇凝脂燥黃

前題

蕭子顯

大明上迢迢陽城射凌霄光照窓中婦絕世同阿嬌明  
鏡盤龍刻簪羽鳳凰雕逶迤梁家髻再弱楚宮腰輕紈  
雜重錦薄縠間飛綃三六前年暮四五今年朝蠶籠拾  
芳翠桑陌採柔條出入東城里上下洛西橋忽逢車馬  
客飛蓋動檐輶單衣鼠毛織寶劍羊頭鞘丈一作夫疲  
應對從一作御者輟銜鑣柱間徒脉脉垣上幾翹翹女本  
西家宿君自上宮要漢馬三萬疋夫壻仕嫖姚鞞囊虎  
頭綬左珥鳧盧貂橫吹龍鍾管奏鼓象牙簫十五張內



侍十八賈登朝皆笑顏郎老盡訝董公

一作超

前題

陳後主

重輪上瑞暉西北照南威南威年二八開牖敞重闈當  
壚送客去上苑逐春歸髻下珠勝月牕前雲帶衣紅裙  
結未解綠綺自難徽

前題

徐伯陽

朱丹

一作

城壁日啟

一作映

朱扉青樓含照本暉暉遠映陌

上春桑葉斜入秦家綉綺衣羅敷粧粉能佳麗鏡前新  
梳倭墮髻圓籠裊裊挂青絲鐵鈎冉冉勝丹桂蠶飢日  
晚斲生愁忽逢使君南陌頭五馬停珂遣借問雙臉含

嬌特好羞妾壻府中輕小吏即今來往專城裏欲識東  
方千騎歸藹藹日暮紅塵起

前題

殷謀

秦樓出佳麗正值朝日光陌頭能駐馬花處復添香

前題

周王褒

曉星西北沒朝日東南隅陽窓臨玉女蓮帳照金鋪鳳  
樓稱獨立絕世良所無鏡懸四龍綉枕畫七星圖銀鏤  
明光帶金地織成襦調弦大垂手歌曲鳳將雛採桑三  
市路賣酒七條衢道逢五馬客夾轂來相趨將軍多事  
勢一作藝夫聳好形模高箱照雲母壯馬飾當顱單衣火



浣布利劍水精珠自知心所愛仕宦執金吾飛薨彫翡翠一作翠羽繡桶畫屠蘇銀燭附彈映雞羽黃金步搖動襜褕兄弟五日時來歸高車竟道生光輝名倡兩行堂上起鴛鴦七十階前飛少年任俠輕年月珠丸出彈遂難追

前題 一作日出行

蕭撝

昏昏隱遠霧團團乘陣雲正值秦樓女含嬌酬使君

前題

隋盧思道

初月正如鈞懸光入綺樓中有可憐妾如恨亦如羞深情出艷語密意滿橫眸楚腰寧且細孫眉本未愁青玉

勿當取雙銀詎可一作肯留會待東方騎遙居最上頭

採桑

宋鮑照

季春梅始落工女事蠶作採桑淇洧間還戲上宮閣早

蒲時結陰晚篁一作竹初解籜藹藹雲滿一作霧灑閨融融景

盈幕乳燕逐草蟲巢蜂拾花萼一作藥是節最暄妍佳服

又新爍綿一作歛歎對迴一作迴塗揚歌弄場藿抽琴試杼

一作紆思薦珮果成託承君郢中美服義久心諾衛風古

愉艷一作絕鄭俗舊浮薄靈願悲渡湘宓賦笑灑一作景洛

盛明難重來淵意為誰涸君其且調絃桂酒妾行酌

前題

梁簡文帝



春色映空來先發院邊梅細萍重疊長新花歷亂開連  
珂往淇一作河上接憶至叢臺叢臺可憐妾當窓望飛蝶  
忌跌行衫領慰斗成褫一作裙下牀著珠珮捉鏡安花  
鑷薄晚畏蠶饑競採春桑葉寄語採桑伴訝今春日短  
枝高攀不及葉細籠難滿年年將使君歷亂遣相聞欲  
知琴裏意還贈錦中文何當照梁日還作入山雲重門  
皆已閉方知留客袂可憐黃金絡複以青絲繫必也爲  
人時誰令畏夫婿

前題

同郭侍郎作

姚翻

鴈還高柳北春歸洛水南日照茱萸領風搖翡翠簦桑

間視欲暮閨裏遽饑蚕相思君助取相望妾那堪

前題

沈君攸

南陌落花移蠶妾畏桑萎逐便牽低葉爭多避小枝摘  
駛籠行滿攀高腕欲疲看金怯舉意求心自可知

前題

一作和洗馬古意

吳均

賤妾思不堪採桑渭城南帶減連枝繡髮亂鳳凰簪花  
舞依長薄蛾飛愛綠潭無由報君信流涕向春蠶

前題

一作萬山見採桑人

劉邈

倡妾不勝愁結束下青樓逐伴西城一作郊路相携南陌  
頭葉盡時移樹枝高乍一作任易鈎絲繩挂一作提且脫金



籠寫復仍一作收蠶饑日已欲一作暮詎誰一作為使君留

前題

陳後主

春樓髻梳罷南陌競相隨去後花叢散風來香處移  
廣袖承朝日長鬟礙聚枝柯新攀易斷葉嫩摘前菱採繁  
鈎手弱微汗雜粧垂不應歸獨早堪為使君知

前題

張正見

春樓曙鳥驚蠶妾候初晴迎風金珥落向日玉釵明  
徒顧移籠影攀鈎動釧聲葉高知手弱枝軟覺身輕  
人多羞借問年少怯逢迎恐疑夫壻遠聊復答專城

前題

賀徹

蠶妾出房櫳結伴類花叢度水春衫綠映日晚粧紅  
釧聲時動樹衣香自入風鈎長嫩一作枝曲葉盡細條空  
競採須盈手爭歸欲滿籠自憐公府步誰與少年同

前題

傅緯

羅敷試採桑出入城南傍綺裙映珠珥絲繩提玉筐  
度身攀葉聚聳腕及枝長空勞使君問自有侍中郎

吟嘆曲

吟嘆四曲一曰大雅吟二曰王明君三曰楚妃歎四曰王子喬或云古有八曲

大雅吟

晉石崇辭

堂堂太祖淵弘其量仁格宇宙義風遐暢啓土萬里志  
在翼亮三分有二周文是尚於穆武王奕世載聰欽明



冲默文思允恭武則不猛化則時雍庭有儀鳳郊有遊  
龍啓路千里萬國率從蕩清吳會六合乃同百姓仰德  
良史書功超越三代唐虞比蹤

右曲晉樂所奏

王明君

晉石崇辭序曰王明君者本是王昭君以觸文帝諱改之匈奴盛請婚於漢元帝以

後宮良家子昭君配焉昔公主嫁烏孫令琵琶馬上作樂以慰其道路之思其送昭君亦必爾也其造新曲多哀怨之聲故叙之於紙云爾晉宋以來明君止以絃隸少許為上舞而已梁天監中斯宣達以清商兩相間絃為明君上舞於是其有間絃及契注聲又有送聲其昭君辭昭君怨昭君歎皆曲之變也

我本漢家子將適單于庭辭訣未及終前驅已抗旌僕  
御涕流離轅馬悲且鳴哀鬱傷五内泣淚沾朱纓行行

日已遠遂造匈奴城延我於穹廡加我閼氏名殊類非  
所安雖貴非所榮父子見陵辱對之慙且驚殺身良不  
易默默以苟生苟生亦何聊積思常憤盈願假飛鴻翼  
乘之以遐征飛鴻不我顧佇立以屏營昔為匣中玉今  
為糞上英朝華不足歡一作嘉甘與秋草并傳與後世人  
遠嫁難為情

右曲晉樂所奏

前題

宋鮑照

既事轉蓬遠心隨鴈路絕霜鞞旦夕驚邊笳中夜咽

前題

梁施榮泰

垂羅下椒閣舉袖拂胡塵唧唧撫心歎蛾眉誤殺人



前題

朝發披香殿夕濟汾陰河於茲懷九逝一作折自此歛雙

蛾沾妝疑湛露繞臆狀一作比流波日見奔沙起稍覺轉

蓬多胡風犯肌骨非直傷綺羅銜涕試南望關山鬱嵯

峨始作陽春曲終成苦寒歌唯有三五夜明月暫經過

前題

塞樹暗胡塵霜樓明漢月淚染上春衣憂變華年髮

陳張正見

前題

蘭殿辭新寵椒房餘故情鴻飛漸南陸馬首倦西征寄

周王褒

書參漢使銜涕望秦城唯餘馬上曲猶作出關聲

前題

隋薛道衡

我本良家子克選入椒庭不蒙女史進更失一作無畫師

情蛾眉非本質蟬鬢改真形專由妾命薄誤使君恩輕

啼霑一作落渭橋路歎別長安城夜依一作今夜寒草宿朝逐

一作明朝轉蓬征卻望關山迥前瞻沙漠平胡風帶秋月嘶

馬雜笳聲毛裘易羅綺氈帳代金一作帷屏自知蓮臉歇

羞看菱鏡明釵落終應棄髻解不須榮何用單于重詎

假闕氏名駃騠聊彊食筒一作桐酒未能傾心隨故鄉斷

愁逐塞雲生漢宮如有憶為視旄頭星

前題

亡名氏



猗蘭恩寵歇昭陽幸御稀朝辭漢闕去夕見胡塵飛寄  
言秦樓下因書秋鴈歸

昭君辭

一作昭君怨

梁簡文帝

玉豔光瑤質金鈿黛黛紅一去葡萄觀長別披香宮秋  
簷照漢月愁帳入胡風妙工偏見詆無由情恨通

前題

武陵王紀

塞外無春色邊城有風霜誰堪覽明鏡持許照紅妝

前題

周庾信

拭啼辭戚里回顧望昭陽鏡失菱花影釵除却月梁圍  
腰無一尺垂淚有千行綠衫一作衫身承馬汗紅袖拂秋霜

別曲真多恨哀絃須更張

斂眉光祿塞還望夫人城片片紅顏落雙雙淚眼生冰  
河牽馬渡雪路抱鞍行胡風入骨冷夜月照心明方調

琴上曲變入

一作胡笳聲

前題

一作何遜

隋何妥

昔聞別鶴弄已自軫離情今來昭君曲還悲秋草并

昭君怨

陳後主

圖形漢宮裏遙聘單于庭狼山聚雲暗龍沙飛雪輕笳  
吟度隴咽笛轉出關鳴啼妝寒葉下愁眉塞月生只餘  
馬上曲猶作別時聲



前題

作陰鏗

陳昭

跨鞍今永訣垂淚別親賓漢地隨行盡

一作行將遠

胡關逐

望新交河擁塞霧隴日暗沙塵唯有孤明月猶能遠送

人

昭君歎

二首

梁沈氏

早信丹青巧重貨

一作略

洛陽師千金買蟬鬢百萬寫蛾

眉

今朝猶漢地明日入胡關情寄南雲反思逐北風還

一作高臺歌吹

遊子夢中還

楚妃歎

晉石崇辭楚妃者楚莊王夫人樊姬也莊王好獵樊姬諫不止乃不食禽獸之肉下

喜與虞丘子語以為賢樊姬笑之王曰何笑也對曰虞丘子賢矣未忠也妾充後宮十一年而所進者九人賢於妾者二人與妾同列者七人虞丘子相楚十年而所薦者非其子孫則族昆弟未聞其進賢退不肖也妾之笑不亦宜乎王于是以孫叔敖為令尹治楚三年而莊王以霸其楚妃引楚妃怨楚妃曲皆曲之變也

蕩蕩大楚跨土萬里北據方城南接交趾西撫巴漢東被海涘五侯九伯是疆是理矯矯莊王淵渟岳峙冕旒垂精克纘塞耳韶光戢曜潛默恭已內委樊姬外任孫子猗猗樊姬體道履信既紉虞丘九女是進杜絕邪佞廣啓令胤割歡抑寵居之不吝不吝實難可謂知幾化自近始著於閨闈光佐霸業邁德揚威羣后列辟式瞻



洪規譬彼江海百川咸歸萬邦作歌身沒名飛

右曲晉樂所奏

前題

梁簡文帝

幽閨

一作閨

情脉脉漏長宵寂寂草螢飛夜户絲蟲繞秋

壁薄笑未為欣微歎還成戚金簪鬢下垂玉筋衣前滴

楚妃引

宋袁伯文

玉墀滴淒露羅幌已依霜逢春每先絕爭秋欲幾芳

楚妃吟

梁王筠

花早飛林中明鳥早歸庭前日暖春閨香氣亦霏霏香

氣漂當軒清唱調獨顧慕含怨復含嬌蝶飛蘭復裊裊

輕風入裙春可遊歌聲梁上浮春遊方有樂沈沈下羅

幕

楚妃曲

梁吳均

春妝約春黛如月復如蛾玉釵照繡領金薄厠紅羅

王子喬

古辭王子喬者周靈王太子晉也好吹笙作鳳鳴遊伊洛之間道人浮丘公接以上

嵩高山三十餘年後來之於山上見桓良曰告我家七月七日待我於緱氏山頭至時果乘白鶴駐山頭望之不得到舉手謝時人數日而去

王子喬參駕白鹿雲中遨參駕白鹿雲中遨下遊來王

子喬參駕白鹿上至雲戲遊遨上建逋陰廣里踐近高

結仙宮過謁三台東遊四海五嶽上山

一作山

過蓬萊紫雲

臺三王五帝不足令令我聖朝應太平養民若子事父



木和哥爾 卷六 三十一  
明當究天祿永康寧玉女羅坐吹笛簫嗟行聖人遊八  
極鳴吐銜福翔殿側聖主享萬年悲吟皇帝延壽命右曲  
魏晉樂所奏

前題

北魏高允

王少卿王少卿超升飛龍翔天庭遺儀景雲漢酬光鶩  
電逝忽若浮騎日月從列星跨騰八廓踰杳冥尋元氣  
出天門窮覽有無究道根

王子喬行

梁高允生

仙化非常道其義出自然王喬誕神氣白日忽升天  
暖御雲氣飄飄一作乘長烟寄想崆峒外翱翔宇宙間

七月有佳期控鶴崇崖巔永與時人別一去不復旋

四弦曲

或云古有四曲

蜀國絃

梁簡文帝辭

銅梁指斜谷

一作望絕國

劍道望

一作臨

中區通星上分野作

固下爲都雅歌因良守妙舞白邑渝陽城嬉樂所一作盛

劍騎鬱相趨五婦行難至百兩好遊娛牲祈望帝祀酒

酌蜀侯妹江妃納重聘卓女愛將雛停弦時繫爪一作介

息吹更治一作理脣朱脫衫湔錦浪迴扇避陽烏聞君握節

返賤妾下城隅

前題

隋盧思道



西蜀稱天府由來擅沃饒雲浮玉壘夕日映錦城朝南  
尋九折路東上七星橋琴心若易解令客豈難要

平調曲

平調七曲一曰長歌行二曰短歌行三曰猛虎行四曰君子行五曰燕歌行六曰從軍行七曰鞠歌行其辭有文帝功名明帝青並長歌行武帝五年猛虎行燕趙君子行雉朝飛短歌行今亡其器有笙笛筑琴瑟琵琶七種歌弦六部或云未歌之前有八部茲四器俱作在高下遊弄之後凡三調歌弦一部竟輒作送歌弦

長歌行

三首並古辭

青青園中葵朝露待日晞陽春布德澤萬物生光輝常  
恐秋節至焜黃華葉衰百川東到海何時復西歸少壯  
不努力老大徒傷悲

仙人騎白鹿髮短耳何長導我上大華攬芝獲赤幢來  
到主人門奉藥一玉箱主人服此藥身體一字有日康彊

髮白復

一無復字

更黑延年壽命長

岩岩山上亭皎皎雲間星遠望使心思

一作懷

遊子戀所

生驅車出北門遙觀洛陽城凱風吹長棘天天枝葉傾  
黃鳥飛相追咬咬弄音聲竚立望西河泣下沾羅纓魏文

帝明津詩與此同而逸其半

前題

魏明帝

靜夜不能寐耳聽衆禽鳴大城育狐兔高墉多鳥聲壞  
宇何寥廓宿屋邪草生中心感時物撫劔下蘭庭一作攬衣

目和秋辭

卷六

三十四



庭下閒 翔祥於階際景星一何明仰首觀靈宿北辰奮休  
榮哀彼失羣燕喪偶獨笄笄單心誰與侶造房孰與成  
徒然喟有和悲慘傷人情余情偏易感懷往增憤盈吐  
吟音不徹泣涕沾羅纓

前題

利害同根源賞下有甘鈎義門近 塘虎口出通侯撫  
劍安所趨蠻方未順流蜀賊阻石城吳寇馮龍舟二軍  
多壯士聞賊如見讎投身効知己徒生心所羞鷹隼厲  
天翼耻與燕雀遊成敗在縱者無令鷲鳥憂

前題

陸機

逝矣經天日悲哉帶地川寸陰無停晷尺波豈徒一作徒自  
旋年往信一作迅 勁矢時來亮急弦遠期鮮克及盈數固  
希全榮華夙夜零體澤坐自捐茲物苟難停吾壽安得  
延俛仰逝將過倏忽幾何間慷慨亦焉訴天道良自然  
但恨功名薄竹帛無所宣迨及歲未暮長歌乘我閒

前題

宋謝靈運

倏爍夕星流昱奕朝露團粲粲烏有停泫泫豈暫安徂  
齡速飛電頽節驚驚湍覽物起悲緒顧已識憂端朽貌  
改鮮色悴容變柔顏變改苟催促容色烏盤桓疊疊衰  
期迫靡靡壯志闌既慙臧孫慨復愧楊子歎寸陰果有



逝尺素竟無觀幸賒道念戚且取長歌歡

前題

梁元帝

當壚擅旨酒一卮堪十千無勞蜀山鑄扶受一作采金

錢人生行樂爾何處不留連朝為洛生詠夕作據梧眠

從茲忘物我優游得自然

前題

二首後首一作鮑照

沈約

連連舟壑改微微市朝變來功嗣往迹莫武祖升彥局

塗頓遠策留歡恨一作奔箭拊戚狀驚瀾循休擬回電

歲去芳願違年來苦心薦春貌既移紅秋林豈停舊一

倍茂陵道寧思栢梁宴長戢兔園情永別金華殿聲微

無惑簡丹青有餘絢幽籥且未調無使長歌倦

春隰萋綠柳寒墀積皓雪依依往紀盈霏霏來思結思

結纏歲晏曾是掩初節初節曾不掩浮榮逐弦缺弦缺

更圓合浮榮永沈滅色隨夏蓮變態與秋霜耄道迫無

異期賢愚有同絕銜恨豈云忘天道無甄別功名識所

職竹帛尋摧裂生外苟難尋坐為長歎設

長歌行鰕鮒篇

一曰鰕鮒篇

魏陳思王植

鰕鮒游潢潦不知江海流燕雀戲藩柴安識鴻鵠遊世

士此誠明大德固無儔駕言登五嶽然後小陵丘俯觀

上路人勢利惟是謀讎高念皇家遠懷柔九州撫劔而



雷音猛氣縱橫浮汎泊徒嗷嗷誰知壯士憂

短歌行 二首 魏武帝辭

對酒當歌人生幾何譬如朝露去日苦多 一解 慨當以慷

憂思難忘以何解愁唯有杜康 二解 青青子衿悠悠我心

但為君故沈吟至今 三解 明明如月何時可掇憂從中來

不可斷絕 四解 呦呦鹿鳴食野之苹我有嘉賓鼓瑟吹笙

五 山不厭高海不厭深周公吐哺天下歸心 六解

對酒當歌人生幾何譬如朝露去日苦多慨當以慷  
憂思難忘何以解憂唯有杜康青青子衿悠悠我心  
但為君故沈吟至今呦呦鹿鳴食野之苹我有嘉賓  
鼓瑟吹笙明明如月何時可掇憂從中來不可斷絕  
越陌度阡枉駕相存契濶談讌心念舊恩月明星稀  
烏鵲南飛繞樹三匝何枝可依山不厭高水不厭深

周公吐哺天下歸心右本辭

周西伯昌懷此聖德三分天下而有其二脩奉貢獻臣

節不墜崇侯讒之是以拘繫 一解 後見赦原賜之斧鉞得

使征伐為仲尼所稱逮 一作 及德行猶奉事殷論叙其

美 二解 齊桓之功為霸之首九合諸侯一匡天下一匡天

下不以兵車正而不譎其德傳稱 三解 孔子所歎竝稱夷

吾民受其恩賜與廟胙命無下拜小白不敢爾天威在

顏咫尺 四解 晉文亦霸躬奉天王受賜珪瓚秬鬯彤弓盧

弓矢千虎賁二百人 五解 威服諸侯師之者尊八方聞之

名亞齊桓河陽之會詐稱周王是以其名紛葩 六解 右



樂所奏

前題

魏氏遺令使節朔奏樂銅雀臺上文帝製此辭自撫箏和歌歌者云貴官彈箏貴官即文帝也

文帝

仰瞻帷幕俯察几筵其物如故其人<sub>一</sub>不存<sub>解</sub>神靈倏忽

棄我遐遷靡瞻靡恃泣涕連連<sub>二</sub>叨叨遊鹿銜草鳴麇

翩翩飛鳥挾子巢棲<sub>三</sub>我獨孤笑懷此百離憂心孔疚

莫我能知<sub>四</sub>人亦有言憂令人老嗟我白髮生一何早

<sub>五</sub>長吟永歎懷我聖考曰仁者<sub>一作</sub>壽胡不是保<sub>六</sub>解

魏樂所奏

前題

明帝

翩翩春燕端集余堂陰匿陽顯節運自常厥貌淑美玄  
衣素裳歸仁服德雌雄頡頏執志精專潔行馴良銜土  
繕巢有式官房不規自圓無矩而方

前題

晉傅玄

長安高城層樓亭亭干雲四起上貫天庭蜉蝣何整行  
如軍征蟋蟀何感中夜哀鳴蚍蜉愉樂粲粲其榮寤寐  
念之誰知我情昔君視我如掌中珠何意一朝棄我溝  
渠昔君與我如影如形何意一去心如流星昔君與我  
兩心相結何意今日忽然雨絕

前題

陸機

目口次辛

卷六



置酒高堂悲歌臨觴人壽幾何逝如朝霜時無重至華  
不再揚蘋以春暉蘭以秋芳來日苦短去日苦長今我  
不樂蟋蟀在房樂以會興悲以別章豈曰無感憂為子  
忘我酒既旨我肴既臧短歌有一作可詠長夜無荒

前題

梁張率

君子有酒小人鼓缶乃布長筵式宴親友盛壯不留容  
華易朽如彼槁葉有似過牖往日莫淹來期無久秋風  
悴林寒蟬鳴柳悲自別深懼由會厚豈云不樂與子同  
壽我酒既盈我肴伊阜短歌是唱孰知身後

前題

一首

周徐謙

窮通皆是運榮辱豈關身不願門前客看時逢故人  
意氣青雲裏爽朗煙霞外不羨一囊錢惟重心襟會

前題

隋辛德源

馳射罷金溝戲笑上雲樓少妻鳴趙瑟侍妓轉吳謳杯  
度浮香滿扇舉細塵浮星河耿涼夜飛月艷新秋忽念  
奔駒促彌欣執燭遊

猛虎行

古辭

饑不從猛虎食暮不從野雀棲野雀安無巢遊子為誰  
驕

前題

魏文帝



與君構新歡託配於二儀充列于紫微升降焉可知梧  
桐攀鳳翼雲雨散洪池

前題

明帝

雙桐生空井枝葉自相加通泉浸其根玄雲潤其柯上  
有雙棲鳥交頸鳴相和何意行路者秉丸彈是窠

前題

晉陸機

渴不飲盜泉水熱不息惡木陰惡木豈無枝志士多苦  
心整駕肅時命杖策將遠尋飢食猛虎窟寒棲野雀林  
日歸功未建時往歲載陰崇雲臨岸駭鳴條隨風吟靜  
言幽谷底長嘯高山岑急絃無懦響亮節難爲音人生

誠未易曷云開此衿眷我耿介懷俯仰愧古今

前題

二首

宋謝惠連

貧不攻九嶷玉倦不憇三危峯九嶷有惑號三危無安  
容美物標貴用志士勵竒蹤如何祗遠役王命宜肅恭  
伐鼓功未著振旅何時從

猛虎潛深山長嘯自生風人謂客行樂客行苦心傷

君子行

古辭一作陳思王

君子防未然不處嫌疑間瓜田不納履李下不正寇嫂  
叔不親授長幼不比肩勞謙得其柄和光甚獨難周公  
下白屋吐哺不及餐一沐三握髮後世稱聖賢



前題

晉陸機

天道夷且簡人道險而難休咎相乘躡翻覆若波瀾去  
疾苦不遠疑似實生患近火固宜熱履冰豈惡寒撥蜂  
滅天道拾塵惑孔顏逐臣尚何有棄友焉足歎福鍾恒  
有兆禍集非無端天損未易辭人益猶可歡朗鑒豈遠  
假取之在傾冠近情苦自信君子防未然

前題

梁簡文帝

君子懷琬琰不使涅塵淄從容子雲閣寂寞伸舒帷多  
謝悠悠子管窺良可悲

前題

沈約

良御惑燕楚妙察亂澠淄隄傾由漏壤垣隙自危其囂  
途或妄踐黨議勿輕持

前題

戴嵩

畫野依德星開鄠對廉水接越稱交讓連樹名君子數  
非唯二失升階無三止探甑不疑塵正冠還避李寄言  
遽伯玉無為嗟獨耻

燕歌行

二首魏文帝辭

秋風蕭瑟天氣涼草木搖落露為霜一作羣燕辭歸鴈

鵠南翔念君客遊思斷一作多思腸二解慊慊思歸戀故鄉君

何淹留寄他方三解賤妾笑笑守空房憂來思君不敢忘



解四不覺淚下沾衣裳援琴一作鳴絃發清商五短歌微

吟不能長明月皎皎照我牀六星漢西流夜未央牽牛

織女遙相望爾獨何辜限河梁七解

別日何易會日難山川悠遠路漫漫一鬱陶思君未敢

言寄書一作浮雲往不還二涕零雨面毀形容一作顏誰

能懷憂獨不歎三耿耿伏枕不能眠披衣出戶步東西

解四展詩清歌聊自寬樂往哀來摧心一作肝悲風清厲

秋氣寒羅幃徐動經秦軒五仰戴一作星月觀雲間飛

鳥一作晨鳴聲可憐留連顧懷不自一作存六解右二

奏本辭展詩二句在耿耿二句前無悲風二句

前題

明帝

白日晻晻忽西傾霜露慘悽塗階庭秋草捲葉摧枝莖

翩翩飛蓬常獨征有似遊子不安寧

前題

晉陸機

四時代序逝不追寒風習習落葉飛蟋蟀在堂露盈墀

念君客一作遊常苦悲君何緬然久不歸賤妾悠

悠心無違白日既沒明燈輝夜一作禽赴林匹鳥棲雙

鳩關關宿河湄憂來感物涕一作不晞非君之念思為

誰別日何早會何遲

前題

宋謝靈運



孟冬初寒節氣成悲風入闈霜依庭秋蟬噪柳燕辭一作  
樓楹念君行役怨邊城君何崎嶇久徂征豈無膏沐感  
鶴鳴對君不樂淚沾纓關窓開幌弄秦箏調絃促柱多  
哀聲遙夜明月鑿帷屏誰知河漢淺且清晨轉思服悲  
明星

前題

謝惠連

四時推遷迅不停三秋蕭瑟葉解輕飛霜被野鴈南征  
念君客遊羈思盈何為淹留無歸聲愛而不見傷心情  
朝日潛輝華燈明林鵲同栖渚瀉并接翮偶羽依蓬瀛  
仇依依類相和鳴余獨何為志無成憂緣物感淚沾纓

前題

梁元帝

燕趙佳人本自多遼東少婦學春歌黃龍戍北花如錦  
玄菟城前一作南月似蛾如何此時別夫婿金羈翠眊往  
交河還聞入漢去燕營怨妾愁心百恨生漫漫悠悠天  
未曉遙遙夜夜聽寒更自從異縣同心別偏恨同時成  
異節橫波滿臉萬行啼翠眉暫斂千重結並海連天合  
不開那堪春日上春臺一作唯見遠舟如落葉復看遙  
舸似行杯沙汀夜鶴嘯羈雌妾心無趣坐傷離翻嗟漢  
使音塵斷空傷賤妾燕南陲

前題

蕭子顯



風光遲舞出青蘋蘭條翠鳥鳴發春洛陽梨花落如雪  
 河邊細草細如茵桐生井底葉交枝今看無端雙燕離  
 五重飛樓入河漢九華閣道暗清池遙看白馬津上吏  
 傳道黃龍征戍兒明月金波一作徒從照妾浮雲玉  
 葉君不知思君昔去柳依依至今八月避暑歸明珠蠶  
 繭勉登機鬱金香蘼一作持香衣洛陽城頭雞欲曙丞  
 相府中烏未飛夜夢征人縫狐貉私憐織婦裁錦緋吳  
 刀鄭綿絡寒閨夜被薄芳年海上水中鳧日暮寒夜空  
 城雀

前題

周王褒

初春麗景一作日鶯欲嬌桃花流水沒河橋薔薇花開百  
 重葉楊柳拂一作覆地數千條隴西將軍號都護樓蘭校  
 尉稱嫖姚自從昔別春燕分經年一去不相聞無復漢  
 地關山一作長安月唯有漠北薊城雲淮南桂中明月影流  
 黃機上織成文充國行軍屢築營陽史討虜陷平城城  
 下風多能却陣沙中雪淺詎停兵屬國小婦猶年少羽  
 林輕騎數征行遙聞陌頭採桑曲猶勝邊地胡笳聲胡  
 笳向暮使人泣長望一作還使閨中空佇立桃花落地一無地字  
 杏花舒桐生井底寒葉疎試為來看上林鴈應一作必有  
 遙寄隴頭書



前題

庾信

代北雲氣晝昏昏千里飛蓬無復根寒鴈噉噉一作渡  
 遼水桑葉紛紛落薊門晉陽山頭無箭竹踈勒城中乏  
 水源屬國征戍久離居陽關音信絕能踈願得魯連飛  
 一箭持寄思歸燕將書渡遼本自有將軍寒風蕭蕭生  
 水紋妾驚甘泉足烽火君訝漁陽少一作陣雲自從將  
 軍出細柳蕩子空牀難獨守盤龍明鏡餉秦嘉辟惡生  
 香寄韓壽春分燕來能幾日二月蠶眠不復久一作不能食  
 洛陽遊絲百丈連黃河春冰千片穿桃花顏色好如馬  
 榆莢新開巧似錢蒲萄一杯千日醉無事九轉學神仙

定取金丹作幾服能令華表得千年

從軍行 二首魏左延年辭

苦哉邊地人一歲三從軍三子到燉煌二子詣隴西五子遠鬪去五婦皆懷身

從軍何等樂一驅乘雙馭鞍馬照人白龍驤自動作

前題

建安二十二年三月曹操西征張魯魯及五子降十二月至自南鄭是行也侍中王粲作從軍詩以美其事凡五篇

從軍有苦樂但問所從誰所從神且武焉得久勞師相公征關右赫怒震天威一舉滅獯虜再舉服羌夷西收邊地賊忽若俯拾遺陳賞越丘山酒肉踰川坻軍中多



沃一作饒人馬皆溢肥徒行兼乘還空出有餘資拓地

三千里往返一如飛歌舞入鄴城所願獲無違畫一作盡

處大朝日暮薄言歸外叅時明政內不廢家私禽獸

憚為犧良苗實已揮竊慕負鼎翁願厲朽鈍姿不能效

沮溺相隨把鋤犁熟覽夫子詩信知所言非一無竊慕

涼風厲秋節司典告詳刑我君順時發桓桓東南征汎

舟盖長川陳卒被隰垆征夫懷親戚誰能無戀一作情

拊衿倚舟檣眷眷一作思鄴城哀彼東山人喟然感鸛

鳴日月不安處人誰獲恒一作寧昔人從公旦一徂輒

三齡今我神武師暫往必速平棄余親睦恩輸力竭忠

貝懼無一夫用報我素餐誠夙夜自併性思逝若抽縈

將秉先登羽豈敢聽金聲

從軍征遐路討彼東南夷方舟順廣川薄暮未安坻白

日半西山桑梓有餘暉蟋蟀夾岸鳴孤鳥翩翩飛征夫

心多一作懷悽一作愴令吾悲下船登高防草露霑我

衣迴身赴牀寢此愁當告誰身服干戈事豈得念所私

卽戎有授命茲理不可違

朝發鄴都橋暮濟白馬津逍遙河隄上左右望我軍連

舫踰萬艘帶甲千萬人率彼東南路將定一舉勳籌策

運帷幄一由我聖君恨我無時謀譬諸具官臣鞠躬中



相和詩 卷六 四十一

堅內微畫無所陳許歷為完士一言猶一作獨敗秦我有

素餐責誠愧伐檀人雖無鉛刀用庶幾奮薄身

悠悠涉荒路靡靡我心愁四望無煙火但見林與丘城

郭生榛棘蹊徑無所由萑蒲竟廣澤葭葦夾長流日夕

涼風發翩翩漂吾舟寒蟬在樹鳴鸛鵠摩天游客子多

悲傷淚下不可收朝入譙郡界曠然消人憂雞鳴達四

境黍稷盈原疇館宅充鄜里士女一作女士滿莊廬自非賢

聖國誰能享斯休詩人美樂土雖客猶願留

一有樓船凌洪波奮戈刺羣虜二句

前題

晉陸機

苦哉遠征人飄飄一作飄窮四遐一作西河南陟五嶺一作嶺北戍

長城阿深一作谿谷邈一作深無底崇山鬱嵯峩奮臂攀高

木振迹涉流沙隆暑固已慘涼風嚴且苛夏條集一作焦

鮮藻寒冰結衝波胡馬如雲屯越旗亦星羅飛鋒無絕

影鳴鏑自相和朝食一作餐不免胄夕息常負戈苦哉遠

征人撫心悲如何

前題

宋顏延之

苦哉遠征人畢力幹時艱秦初略揚越漢世爭陰山地

廣旁無界岳阿上虧天嶠霧下高鳥冰沙固流川秋飈

冬未至春液夏不涓閩烽指荆吳胡埃屬幽燕橫海咸

日口次辛

卷六

四十一



飛驪絕漠皆控弦馳檄發章表軍書交塞邊接鎬赴陣  
首卷甲起行前羽驛馳無絕旌旗晝夜懸卧伺金柝響  
起候亭燧煙逃矣遠征人惜哉私自憐

前題

謝惠連

趙騎馳四牡吳舟浮三翼弓茅有恒用矛鋌無暫息

前題 二首

梁簡文帝

貳師惜善馬樓蘭貪漢財前年出右地今歲討輪臺魚  
雲望旗聚龍沙隨陣開冰城朝浴鐵地道夜銜枚將軍  
號令密天子璽書催何時反舊里遙見下機來

雲中亭障羽檄驚甘泉烽火通夜明貳師將軍新築營

嫖姚校尉初出征復有山西將絕世愛一作雄名三門

應遁甲五壘學神兵白雲隨陣一作色蒼山容鼓聲迤

邈觀鷺翼參差覩鴈行先平小月陣却滅大宛城善馬

還長樂黃金付水衡小婦趙人能鼓瑟侍婢初笄解鄭

聲庭前桃花一作柳絮飛已一作欲合必應紅妝起見一作來起迎

前題

元帝

寶劍飾龍淵長虹畫彩旃山虛和鏡管水淨寫樓船連  
雞隨火度燧象帶烽然洞庭晚風急瀟湘夜月圓荀令  
多文藻臨戎賦雅篇

前題

沈約



惜哉征夫子憂恨良獨多浮天出鯁海束馬渡交河雪  
縈九折燈風卷萬里波維舟無夕島秣驥乏平莎凌濤  
富驚沫援木闕一作闕垂蘿江颶鳴疊嶼流雲照層阿玄  
埃晦朔馬白日照吳戈寢興動征怨寤寐起還歌晨裝  
豈輟警夕壘詎淹和苦哉遠征人悲矣將如何

前題

戴嵩

長安夜刺閨胡騎白銅鞮詔書發隴右召募取關西劍  
懸三尺鞘鎧累一作暴七重犀督軍鳴戰鼓巡夜數更鞞  
星出柳塞際晚入榆溪秦涇含藥鳩晉火逐飛雞通  
開地道望敵豎雲梯陰山日不暮長城風自淒弓寒

折錦鞬馬凍滑斜蹄燕旗竿上脆羌笛管中嘶登山試

下趙憑軾且平齊當令函谷上唯用一作見一九泥

前題

吳均

男兒亦可憐立功在北邊陣頭橫却月馬腹帶連錢懷  
戈發隴坻乘凍至遼川微誠君不愛終自直如弦

前題

二首前首李都尉從軍後首古意報袁功曹

江淹

樽酒送征人踟躕在親宴日暮浮雲滋握手淚如霰悠  
悠清水川嘉魴得所薦而我在萬里結友一作髮不相見

袖中有短書願寄雙飛燕

從軍出隴北長望陰山雲涇渭各異流一作流異恩情於此



分故人贈寶劍鏤以瑤華文一言鳳獨立再說鸞無羣  
何得晨風起悠悠哉凌翠氛黃鵠去千里垂涕為報君

前題

一作蕭子雲

蕭子顯

左角明王侵漢邊輕薄良家惡少年縱橫向沮澤凌厲  
取山田黃塵不見景飛蓬恒滿天邀功封泥野竊寵劫

一作

拜 祁連春風春月將進酒妖姬舞女亂君前

前題

劉孝儀

冠軍親挾射長平自合圍木落雕弓燥氣秋征馬肥賢  
王皆屈膝幕府復申威何謂從軍樂往返速如飛

前題

陳張正見

胡兵屯薊北漢將起山西故人輕百戰聊欲定三齊風  
前噴畫角雲上舞飛梯鴈塞秋聲遠龍沙雲路迷燕然  
自可勒函谷詎須泥

前題

周趙王招

遼東烽火照甘泉薊北亭障接燕然水凍菖蒲未生節  
關寒榆莢不成錢

前題

一作同盧記室從軍

庾信

河圖論陣氣金匱辨星文地中鳴鼓角天上下將軍函  
犀恒七屬絡一作浴鐵本千羣飛梯聊度絳合弩暫凌汾  
寇陣先中斷妖營卽兩分連烽對嶺度嘶馬隔河聞箭



飛如疾雨城崩似壞雲英王於此戰何用武安君

前題

二首第二首首四句一作遠征人

王褒

兵書久閑習征戰數曾經講戎平樂觀學戲

一作覽劍

羽林

亭西征度踈勒東驅出井陘牧馬濱長渭營軍毒上涇  
平雲如陣色半月類城形羽書封信璽詔使動流星對  
岸流沙白緣河柳色青將幕恒臨斗旌門常背刑勳封  
瀚海石功勒燕然銘兵勢因麾下軍圖送掖庭誰憐下  
玉筯向暮掩金屏

黃河流水急驄馬遠征人谷望河陽縣橋渡小平津年  
少多遊俠結客好輕身代風愁櫪馬胡霜宜角筯羽書  
勞警急邊鞍倦苦辛康居因漢使盧龍稱魏臣荒戍唯  
看柳邊城不識春男兒重意氣無爲羞賤貧

前題

隋盧思道

朔方烽火照甘泉長安飛將出祁連犀渠玉劔良家子  
白馬金羈俠少年平明偃月屯右地薄暮魚麗逐左賢  
谷中石虎經銜箭山上金人曾祭天天涯一去無窮已  
薊門迢遞三千里朝見馬嶺黃沙合夕望龍城陣雲起  
庭中奇樹已堪攀塞外征人殊未還白雪初下天山外  
浮雲直上五原間關山萬里不可越誰能坐對芳菲月  
流水本自斷人腸堅冰舊來傷馬骨邊庭節物與華異



冬霰秋霜春不歇長風蕭蕭渡水來歸鴈連連映天沒  
從軍行軍行萬里出龍庭單于渭橋今已拜將軍何處  
覓功名

前題

一作塞上

明餘慶

三邊烽亂驚十萬且橫行風卷常山陣笳喧細柳營  
花寒不落弓月曉逾明會取淮南一作河西地持作朔方城

從軍行五更轉

五首

陳伏知道

一更刁斗鳴校尉連連城遙聞射鵰騎懸憚將軍名其一

二更愁未央高城寒夜長試將弓學月聊持劍比霜其二

三更夜警新橫吹獨吟春疆聽梅花落誤憶柳園人其三

四更星漢低落月與雲齊依稀北風裏胡笳雜馬嘶其四

五更催送籌曉色映山頭城烏初起堞更人悄一作下

樓其五

鞠歌行

晉陸機辭序曰按漢宮閣有含章鞠室靈芝鞠室後漢馬防第宅上臨道連閣通池

鞠城彌於街路鞠歌將謂此也又東阿王詩連騎擊壤或謂蹴鞠乎三言七言言雖奇寶名器不遇知己終不見重願逢知己以託意焉

朝雲升應龍攀乘風遠遊騰雲端鼓鍾歇豈自歡急絃  
高張思和彈時希值年夙愆循已雖易人知難王陽登  
貢公歡罕生既沒國子歎嗟千載豈虛言邈矣遠念情  
愀然



前題

宋謝靈運

德不孤兮必有鄰唱和之契冥相因譬如虬虎兮來風  
雲亦如形聲影響陳心歡賞兮歲易淪隱玉藏彩疇識  
真叔牙顯夷吾親郢既歿匠寢斤覽古籍信伊人永言  
知己感良辰

前題

謝惠連

翔馳騎千里姿伯樂不舉誰能知南荆璧萬金貨卞和  
不斲與石離年難留時易隕厲志莫賞徒勞疲沮齊音  
溺趙吹匠石善運郢不危古綿眇理參差單心慷慨雙  
淚垂

清調曲

清調六曲一曰苦寒行二曰豫章行三曰  
逃行四曰相逢狹路間行五曰塘上行六曰

秋胡行其辭有武帝白日董逃行今入其器有笙  
笛下聲弄高弄遊弄箎節琴瑟箏琵琶入種歌弦  
四弦或云未歌之前有五部弦又在弄後

苦寒行

一曰北上行魏武帝辭一作文帝

北上太行山艱哉何巍巍太行山艱哉何巍巍羊腸坂  
詰屈車輪爲之摧一解樹木何蕭瑟北風聲正悲何蕭瑟  
北風聲正悲熊羆對我蹲虎豹夾道一作啼二解谿谷少  
人民雪落何霏霏少人民雪落何霏霏延頸長歎息遠  
行多所懷三解我心何怫鬱思欲一東歸何怫鬱思欲一  
東歸水深橋梁絕中路一作道四解正徘徊四解迷惑失徑路暮



一作無所宿棲失徑路暮無所宿棲行行日已遠人馬

同時饑解五擔囊行取薪芥冰持作糜解六擔囊行取薪芥冰

持作糜悲彼東山詩悠悠使我哀六解右曲晉樂所奏本辭無疊句徑作故

暮無所作薄春無

前題

明帝

悠悠發洛都并我征東行征行彌二旬屯吹龍一作龍陂

城解一顧觀故壘處皇祖之所營屋室若平昔棟宇無邪

傾解二奈何我皇祖潛德隱聖形雖没而不朽書貴垂伐

一作名解三光光我皇祖軒燿同其榮遺化布四海八表

以肅清解四雖有吳蜀寇春秋足耀兵徒悲我皇祖不永

享百齡賦詩以寫懷伏軾淚沾纓五解右曲晉樂所奏每解疊首二句

前題

晉陸機

北遊幽朔城涼野多險難一作艱俯入窮谷底仰陟高山

盤凝冰結重礫積雪被長巒陰雲興巖側悲風鳴樹端

不覩白日景但聞寒鳥喧一作猛虎憑林嘯玄猿臨岸

歎夕宿喬木下慘愴恒鮮歡渴飲堅冰漿飢待一作食零

露餐離思固已久一作寤寐莫與言劇哉行役人慊慊

怕苦寒

前題

宋謝靈運

歲歲層冰合紛紛霰雪落浮陽滅一作滅清暉寒禽叫悲



整饑爨煙不興渴汲水枯涸

樵蘇無夙飲鑿冰煮朝餐悲矣採薇唱苦哉有餘酸

苦寒行吁嗟篇

一曰飛蓬篇植每欲別見談及時政幸與試用終不能得時法制待

潘國峻迫值十一年而三徙都常汲汲無歡

魏陳思王植

吁嗟此轉蓬居世何獨然長去本根逝夙夜無休閒東

西經七陌南北越九阡卒遇回風起吹我入雲間自謂

終天路忽然下沈泉

一作淵

驚飈接我出故歸彼中田當

南而更北謂東而反西宕宕當何依忽亡而復存飄飄

周八澤連翩歷五山流轉無恒處誰知吾苦艱願為中

林草秋隨野火燔糜滅豈不痛願與根

一作株

芟連

豫章行

古辭

白楊初生時乃在豫章山上葉摩青雲下根通黃泉涼

秋八九月山客持斧斤我何皎皎梯落

根株

已斷絕顛倒巖石間大匠持斧繩鋸墨齊兩端一驅四

五里枝葉自相捐

會為舟船燔身在洛陽

宮根在豫章山多謝枝與葉何時復相連吾生百年

自俱何意萬人巧使我離根株

右曲晉樂所奏

前題

二首

魏陳思王植

窮達難豫圖禍福信亦然虞舜不逢堯耕耘處中田太

公未遭文漁釣終

一作經

渭川不見魯孔丘窮困陳蔡間



周公下白屋天下稱其賢

鴛鴦自朋

一作用

親不若比翼連他人雖同盟骨肉天性

然周公穆康叔管蔡則流言子臧讓千乘季札慕其賢

前題

晉陸機

汎舟清川渚遙望高

一作南

山陰川陸殊塗軌懿親將遠

尋三荆歡同株四鳥悲異林樂會良自古悼別豈獨今

寄世將幾何日晷無停陰前路既已多後塗隨年侵促

促薄暮景疊疊鮮克禁曷為復以茲曾是懷苦心遠節

嬰物淺近情能不深行矣保嘉福景絕繼以音

前題

宋謝靈運

短生旅長世恒覺白日歆覽鏡睨頰容華顏豈久期苟

無迴戈術坐觀落崦嵫

前題

謝惠連

軒帆邈遙路薄送瞰遐江舟車理殊緬密友將遠從九

里樂同潤二華念分峯集歡豈今發離歎自古鍾促生

靡緩期迅景無遲蹤緇髮迫多素憔悴謝華莘婉婉寡

留晷窈窕閉淹龍如何阻行止憤愠結心曾既微達者

度歡戚誰能封願子保淑慎良訊代徽容

前題

梁沈約

燕陵平而遠易河清且駛一見塵波阻臨途引征思雙



劍愛匣同孤鸞悲影異宴言誠易纂清歌信難嗣臥聞  
 夕鍾急坐閱朝光亟往歡墜壯心來戚滿衰志徂芳無  
 再馥淪灰定還熾夏臺尚可忘榮辱亦奚事愧微曠士  
 節徒感鄙生餌勞哉納辰和地遠託聲寄

前題

隋薛道衡

江南地遠接閩甌山東英妙屢經遊前瞻疊障千重阻  
 却帶驚湍萬里流楓葉朝飛向京洛文魚夜過歷吳洲  
 君行遠度茱萸嶺妾住長依明月樓樓中愁思不開嘔  
 始復臨窻望早春鴛鴦水上萍初合鳴鶴園中花併新  
 空憶常時角枕處無復前日畫眉人照骨金環誰用許

見瞻明鏡自生塵蕩子從來好留滯况復關山遠迢遞  
 當學織女嫁牽牛莫作一作姮娥叛夫婿偏訝思君無  
 限極欲罷欲忘還復憶願作王母三青鳥飛去飛來傳  
 消息豐城雙劍昔曾離經年累月復相隨不畏將軍成  
 久別只恐封侯心更移

豫章行苦相篇

晉傅玄

苦相身為女卑陋一作再陳男兒一作當門戶墮地自生  
 神雄心志四海萬里望風塵女育無欣愛不為家所珍  
 長大逃深室藏頭羞見人垂淚適他鄉忽如雨絕雲低  
 頭和顏色素齒一作結朱唇跪拜無復數婢妾如嚴賓



情合同雲漢葵藿仰陽春心乖甚水火百惡集其身玉  
顏隨年變丈夫多好新昔為形與影今為胡與秦胡秦  
時相見一絕踰參辰

一有輕裘綴孔翠明珂曜珊瑚二句

董逃行

董逃歌後漢游童所作也終有董卓作亂  
卒以逃亾後人習之為歌章樂府奏之以  
為儆誠焉

吾欲上謁從高山山頭危險道路

道路一作大

難遙望五嶽

端黃金為闕班璘但見芝草葉落紛紛

解一百鳥集來如

烟山獸紛綸麟辟邪其端鷓鴣聲鳴但見山獸援戲相

拘攀

解二小復前行玉堂未心懷流還傳教出門來門外

人何求所言欲從聖道求一得命延

解三教敕凡吏受言

採取神藥若木端玉兔長跪擣藥蝦蟇丸奉上陛下

玉杵服此藥可得神仙

解四

服爾神藥莫不歡喜陛下長

生老壽四面肅肅稽首天神擁護左右陛下長與天相

保守

解五

前題

魏文帝

晨背大河南轅跋涉遐路漫漫師徒百萬譁誼戈矛若

林成山旌旗拂日蔽天

前題

解五首

晉陸機

和風習習薄林柔條布葉垂陰鳴鳩拂羽相尋倉庚啣



喈弄音感時悼逝傷心其一日月相追周旋萬里倏忽幾

年人皆冉冉西遷盛時一往不還慷慨乖念悽然其二昔

為少年無憂常恹一作秉燭夜遊翩翩宵征何求于今

知此有由但為老去年適其三盛固有衰不疑長夜冥冥

無期何不驅馳及時聊樂永日自怡齋此遺情何之其四

人生居世為安豈若及時為歡世道多故萬端憂慮紛

錯交顏老行及之長歎其五

董逃行歷九秋篇前十首一作晉傅玄

歷九秋兮三春遺貴客兮遠賓顧多君心所親乃命妙

妓才人炳若日月星辰其一序金壘兮玉觴賓主遞起鴈

行杯若飛電絕光交觴接卮結裳慷慨歡笑萬方其二奏

新詩兮夫君爛然虎變龍文渾如天地未分齊謳楚舞

紛紛歌聲上激青雲其三窮八音兮異倫奇聲靡靡每新

微披素齒丹唇逸響飛薄梁塵精爽眇眇入神其四坐咸

醉兮沾歡引樽促席臨軒進爵獻壽翻翻千秋要君一

言願愛不移若山其五君恩愛兮不竭譬若朝日夕月此

景萬里不絕長保初醮髮結何憂坐成胡越其六攜弱手

兮金環上游飛閣雲間穆若鴛鳳雙鸞還幸蘭房自安

娛心樂意難原其七樂既極兮多懷盛時忽逝若頽寒暑

革御景迴榮一作華隨風飄摧感物動心增哀其八妾受

目口吹辭 卷六 五十一



命兮孤虛男兒墮地稱珠一作妹女弱雖存若無骨肉至

親更疏奉事他人託軀其九君如影兮隨形賤妾如水浮

萍明月不能常盈誰能無根保榮良時冉冉代征其十顧

繡領兮含暉皎日迴光則微朱華忽爾一作是漸衰影欲

舍形高飛誰言往思可追其十一齊與麥兮夏零蘭桂踐

霜逾馨祿命懸天難明妾心結意丹青何憂君心中傾

其十一

相逢行

一曰相逢狹路間行亦曰長安有狹斜行亦曰三婦豔古辭

相逢狹路問道隘不容車不知何年少夾轂問君家君家誠易知易知復難忘黃金為君門白玉為君堂堂上

置樽酒作使邯鄲倡中庭生桂樹華燈何煌煌兄弟兩

三人中子為侍郎五日一來歸道上自生光黃金絡馬

頭觀者盈道傍入門時左顧但見雙鴛鴦鴛鴦七十二

羅列自成行音聲何噍噍鶴鳴東西廂大婦織綺羅中

婦織流黃小婦無所為挾瑟上高堂丈人且安坐調絲

方未

一作未遠 右出晉樂所奏

前題

五首一作謝惠連

宋謝靈運

行行即長道道長息班草邂逅賞心人與我傾懷抱夷

世信難值憂來傷人平生不可保其一陽華與春渥陰柯

長秋稿心慨榮去速情苦憂來早日華難久居憂來傷



人諄諄亦至老其二親黨近邱庇昵君不常好九族悲素

霰三良怨黃鳥邇朱白即頽憂來傷人近縞潔必造其三

水流理就濕火炎同歸燥賞契少能諧斷金斷可寶千

計莫適從萬端信紛繞其四巢林宜擇木結友

使心曉心曉形迹畧畧邇誰能了相逢既若舊憂來傷

人片言代紵縞其五

前題

梁張率

相逢夕陰街獨趨尚冠里高門既如一甲第復相似憑

軾日欲昏何處訪公子公子之所在所在良易知青樓

出上路漸臺臨曲池堂上撫流徽雷樽朝夕施橘柚分

華實朱火燎金枝兄弟兩三人冠珮紛陸離朝從禁中

一作出車騎並驅馳金鞍馬腦勒聚觀路傍兒入門一

顧望鳧鵠有雄雌雄雌各數千相鳴戲羽儀並在東西

立羣次何離離大婦刺方領中婦抱嬰兒小婦尚嬌稚

端坐吹參差丈夫一作無遽起神鳳且來儀

相逢狹路間

宋孔欣

相逢狹路間道狹正踟躕如何不羣士行吟戲路衢輟

步相與言君行欲馬如淳朴久已凋榮利迭相驅流落

尚風波人情多遷渝勢集堂必滿運去庭亦虛競趨嘗

不暇誰肯眷桑樞無為肆獨往只將困淪胥未若及初



九携手歸田廬躬耕東山畔樂道詠玄書狹路安足遊  
方外可寄娛

前題

梁昭明太子統

京華有曲巷巷曲一作曲曲不通輿道逢一俠客緣路問君

居君居在城北可尋復易知朱門間皓壁刻楠映晨離

階植若一作若華草光景逐颺移輕憶委四屋一作逐蘭

膏然百枝長子飾青紫中子任以貲小子始總角方作

啼弄兒三子俱入門赫奕盛羽儀華駟服衡轡白玉鏤

鞿羈容止同規矩賓從盡恭卑雅鄭時間作孤竹乍參

差雲翔一作飛雜水宿弄吭滿清池歡樂無終極流目豈

知疲門下非毛遂坐上盡英奇大婦成貝錦中婦飭粉

施一作治小婦獨無事理曲步簷垂丈人暫徙倚行使

流風吹

前題

沈約

相逢洛陽道繫聲流水車路逢輕薄子竚立問君家君

家誠易知易知復易憶龍馬滿街衢飛蓋交門側大子

萬戶侯中子飛而食小子始從官朝夕温省直三子俱

入門赫奕多羽翼若若青組紆煙煙金鑄色大婦遶梁

歌中婦迴文織小婦獨無事閉門聊且卽綠綺試一彈

玄鶴方鼓翼



前題

劉孺

送君追遐路路狹  
曉朝霧三危上蔽日九折杳連雲  
枝交慙不見聽靜吹  
纔聞豈伊歎道遠亦迺泣塗分况茲  
別親愛情念切離羣

前題

劉遵

春晚駕香車交輪礙  
狹斜所恐帷風入疑傷步搖花  
倉羞隱年少何因問妾家  
青樓臨上路相期竟一作路餘

前題

隋李德林

天衢號九經冠蓋恒縱橫  
忽逢懷刺客相尋欲逐名  
我住河陽浦開門望帝城  
金臺遠猶聞玉觀夜恒明  
筵筍

大官膳酒釀步兵營懸牀接高士  
隔帳授諸生流水琴前韻飛塵歌  
後輕大子難為弟中子難為兄  
小子輕財利實見陶朱情  
龍軒照人轉驥馬噓天明  
入門俱有說至道勝金籛  
出門會親友天官奏德星  
大婦訓端木中婦訓劉靈  
小婦南山下擊缶和秦箏  
羣賓莫有戲燈來告絕纓

長安有狹斜行

古辭

長安有狹斜斜斜不容車  
適逢兩少年夾轂問君家  
君家新市傍易知復難忘  
大子二千石中子孝廉郎  
小子無官職衣冠仕洛陽  
三子俱入室室中自生光  
大婦織



綺紵一作羅

中婦織流黃小婦無所為挾琴上高堂丈人

一作夫

且徐徐調弦詎未央

前題

晉陸機

伊洛有岐路岐路交朱輪輕蓋承華景騰步躡飛塵鳴  
玉豈樸儒憑軾皆俊民烈心厲勁秋麗服鮮芳春余本  
倦游客豪彥多舊親傾蓋承芳訊欲鳴當及晨守一不  
足矜岐路良可遵規行無曠迹矩步豈逮人投足緒已  
爾四時不必循將遂殊塗軌要子同歸津

前題

宋謝惠連

紀郢有通達通達並軒車帝帝雕輪馳軒軒翠蓋舒撰  
策之五尹振轡從三閭推劔馮前軾鳴佩專後輿

前題

荀晷

朝發邯鄲邑暮宿井陘間井陘一何狹車馬不得旋迴  
迨相逢值崎嶇交一言一言不容多伏軾問君家君家  
誠易知易知復易博南面平原居北趣相如閣飛樓臨  
名都通門枕華郭入門無所見但見雙栖鶴栖鶴數十  
雙鴛鴦羣相追大兄珥金璫中兄振纓綉一作纓玉伏  
臘一來歸鄰里生光輝小弟無所為鬪雞東陌達大婦  
織紵綺中婦縫羅衣小婦無所作挾瑟弄音徽丈人且  
却坐梁塵將欲飛



前題

梁武帝

洛陽有曲陌曲陌不通驛忽遇一作逢二少童扶轡問君

宅我宅邯鄲右易憶復可知大息組網縕中息佩陸離

小息尚清綺總轡一作角遊南皮三息俱入門家臣拜門

垂三息俱升堂旨酒盈千卮三息俱入戶戶內有光儀

大婦理金翠中婦事玉觴小婦獨閒暇調笙遊曲池丈

人少裴徊鳳吹方參差

前題

簡文帝

長安有徑塗塗一作徑不通輿道逢雙總一作角扶輪

問我居我居青門北可憶復易尋一作津大息騫金勒中

息綰一作割黃銀小息始得意黃頭作弄臣三息俱入門

雅志揚清塵三息俱上堂觴肴滿四陳三息俱入戶照

耀光容新大婦舒綺網中婦拂羅巾小婦最容冶映鏡

學嬌顰丈人且安坐清謳出絳脣

前題

沈約

青槐金陵陌丹轂貴遊士方驂萬乘臣炫服千金子咸

陽不足稱臨淄孰能擬

前題

庾肩吾

長安有曲陌一作曲曲陌一作曲不容愜路逢雙綺襦問

君居近遠我居臨御溝可識不可求長子登麟閣次子



侍龍樓少子無高位聊從金馬遊三子俱來下左右若  
川流三子俱來入高軒映彩旒三子俱來宴玉柱擊清  
甌大婦襃雲裘中婦卷羅幃少婦多艷冶一作妖艷花鈿繫  
石榴夫君且安坐歡娛方未周

前題

王罔

名都馳道傍華轂亂鏘鏘道逢佳麗子問我居何鄉我  
家洛川上甲第遙相望珠扉玳瑁牀綺席流蘇帳大子  
執金吾次子中郎將小子陪金馬遨遊茂卿相三子俱  
休沐風流鬱何壯三子俱會同肅雍多禮讓三子俱還  
室絲管紛嘹亮大婦裁舞衣中婦學清唱小婦窺鏡影  
弄此朝霞狀佳人且少留爲君繞梁唱

前題

徐防

長安有勾曲勾勾不通驛塗逢二綺衣夾路訪君室君  
室近霸城易識復知名大息登金馬中息謁承明小息  
偏愛幸走馬曳長纓三息俱入門車服一作馬盡雕輕三  
息俱上堂嘉賓四座盈三息俱入戶室內有光榮大婦  
縑始呈中婦繡初營小婦多姿媚紅紗映削成上客且  
安坐胡牀妾自擎

前題

陳張正見

少年重遊俠長安有狹斜路窄時容馬枝高易度車簷



高同落照巷小共飛花相逢夾繡轂借問是誰家

前題

周王褒

威一作透紆狹邪道車騎動相喧博徒稱劇孟遊俠號王

孫勢傾魏侯府交盡翟公門路邪勞夾轂塗艱倦折轅

日斜宣曲觀春還御宿園塗歌楊柳曲巷飲榴花樽獨

有遊梁倦一作客還守孝文園

三婦豔

宋南平王鑠

大婦裁霧縠中婦牒冰練小婦端清景含歌登玉殿丈人且徘徊臨風傷流霰

前題

本古辭微易數字

齊王融

大婦織綺羅一作縑中婦織流黃小婦獨無事挾瑟一作琴

上高堂丈夫一作人且安坐調弦詎未一作未渠央

前題

梁昭明太子統

大婦舞輕巾中婦拂華茵小婦獨無事紅黛潤芳津良人且高臥方欲薦梁塵

前題

沈約

大婦掃玉墀一作拂中婦結羅一作珠帷小婦獨無事對

鏡畫一作理蛾眉良人且安臥夜長方自私

前題

王筠

大婦留芳褥中婦對華燭小婦獨無事當軒理清曲丈



人且安臥豔歌方斷續

前題

吳均

大婦弦初切中婦管方吹小婦多姿態含笑逼清卮佳人勿餘及殷勤妾自知

前題

劉孝綽

大婦縫羅裙中婦料繡文唯餘最小婦窈窕舞昭君丈人慎勿去聽我駐浮雲

前題 十一首

陳後主

大婦避秋風中婦夜牀空小婦初兩髻含嬌新臉紅得意非霰日可憐那可同

大婦西北樓中婦南陌頭小婦初粧點回眉對月鈞可憐還自覺人看反更羞

大婦主

一作弄

縑機中婦裁春衣小婦新粧冶拂匣動琴

徽長夜理清曲餘嬌且未歸

大婦妬蛾眉中婦逐春時小婦最年少相望捲羅幃羅幃夜寒卷相望人來遲

大婦上高樓中婦蕩蓮舟小婦獨無事撥帳掩嬌羞丈夫應自解更深難道留

大婦初調箏中婦飲歌聲小婦春粧罷弄月當宵楹季子時將意相看不用爭



大婦愛恒偏中婦意常堅小婦獨嬌笑新來華燭前新  
來誠可惑為許得新憐

大婦酌金杯中婦照粧臺小婦偏妖冶下砌折新梅衆  
中何假問人今最後來

大婦怨空閨中婦夜偷啼小婦獨含笑正柱作烏棲河  
低帳未掩夜夜畫眉齊

大婦正當壚中婦裁羅襦小婦獨無事淇上待吳姝烏  
歸花復落欲去却踟躕

大婦年十五中婦當春戶小婦正橫陳含嬌情未吐所  
愁曉漏促不恨燈銷炷

前題

張正見

大婦織殘絲中婦妬蛾眉小婦獨無事歌罷詠新詩上  
客何須起為待絕纓時

塘上行

一曰蒲生行亦曰塘上辛苦行魏甄后辭

蒲生我池中其葉何離離傍能行人儀莫能縷自知衆  
口鑠黃金使君生別離解一念君去我時獨愁常苦悲想

見君顏色感結傷心脾今悉夜夜愁不寐解二莫用豪賢  
故棄捐素所愛莫用魚肉貴棄捐葱與薤莫用麻桌賤

棄捐菅與蒯解三倍恩者苦枯蹶船常苦沒教君安息定  
慎莫致倉卒念與君一共離別亦當何時共坐復相對



四解 出亦復苦愁入亦復苦愁邊地多悲風樹木何蕭蕭

今日樂相樂延年壽千秋五解右曲晉樂所奏每解首

蒲生我池中其葉何離離傍能行仁義莫若妾自知  
眾口鑠黃金使君生別離念君去我時獨愁常苦悲  
想見君顏色感結傷心脾念君常苦悲夜夜不能寐  
莫以豪賢故棄捐素所愛莫以魚肉賤棄捐葱與薤  
莫以麻象賤棄捐菅與蒯出亦復苦愁入亦復苦愁  
邊地多悲風樹木何條條從軍致獨樂延年壽千秋  
右本辭一云蒲生我池中綠葉何離離豈無蒹葭艾  
與君生別離念君去我時獨愁常苦悲想見君顏色  
感結傷心脾念君常苦意夜夜不能寐莫以賢豪故  
棄捐素所愛莫以魚肉賤棄捐葱與薤莫以麻象賤  
棄捐菅與蒯倍恩者苦枯蹶船常苦沒教君安息定  
慎莫致倉卒與君一別離何時復相對出亦復苦愁  
入亦復苦愁邊地多悲風樹木何椶椶從君致獨樂  
延年壽千秋

前題

晉陸機

江籬生幽渚微芳不足宣被蒙風雲一作雨會移居華池

邊發藻玉臺下垂影滄浪泉一作淵霑潤既已渥結根奧

且堅四節逝不處繁華難久鮮淑氣與時殞餘芳隨風

捐天道有遷易人理無常全男權智傾愚女愛衰避妍

不惜微軀退但懼一作恒蒼蠅前願君廣末光照妾薄暮

年

前題

宋謝惠連

芳營秀陵阿非質不足一作靈幸有忘憂用移根託君庭垂

穎臨清池擢彩仰華薨霑渥雲雨潤歲蕤吐芳馨願君

春傾葉留景惠餘明



塘上行苦辛篇

梁劉孝威

蒲生伊何陳曲中多苦辛黃金坐銷鑠白玉遂緇磷裂  
衣工毀嫡掩袖切讒新嫌成跡易已愛去理難申秦雲  
猶變色魯日尚迴輪妾歌已腸一作斷君心終未親

蒲生行浮萍篇

魏陳思王植

浮萍寄清水隨風東西流結髮辭嚴親來為君子仇恪  
勤在朝夕無端獲罪尤在昔蒙恩惠和樂如瑟琴何意  
今摧頽曠若商與參茱萸自有芳不若桂與蘭新人雖  
可愛無若故所懽行雲有反期君恩儻中還慊慊仰天  
歎愁心將何愬日月不恒處人生忽若寓悲風來入懷

一作

淚下如垂露發篋造裳

一作

衣裁縫統與素

蒲生行

齊謝朓

蒲生廣湖邊託身洪波側春露惠我澤秋霜縛我色根  
葉從風浪常恐不永植攝生各有命豈云智與力安得  
遊雲上與爾同羽翼

秋胡行

一曰陌上桑亦曰採桑亦曰在昔二首魏武帝辭魯人秋胡娶妻五日去而宦於陳

五年乃歸見路傍有美婦人採桑而說之下車謂曰力田不如逢豐年力桑不如見國卿今吾有金願以與夫人婦曰妾有夫遊宦不返幽閨獨處五年于茲未有被辱於今日者採桑不顧秋胡遂去歸至家奉金遺母使人呼其婦婦至乃向所挑者婦汗其行自投於沂水而死或云秋胡娶妻三月而遊宦三年休還家



晨上散關山此道當何難牛頓不起車墮谷間坐盤石  
 之上彈五弦之琴作為清角韻意中迷煩歌以言志晨  
 上散關山解一有何三老公卒來在我傍負揜被裘似非  
 恒人謂卿云何困苦以自怨徨徨所欲來到此間歌以  
 言志有何三老公解二我居崑崙山所謂者真人道深有  
 可得名山歷觀遨遊八極枕石漱流飲泉沈吟不決遂  
 上天歌以言志我居崑崙山解三去去不可追長恨相  
 牽攀夜夜安得寐惆悵以自憐正而不譎乃辭一作賦依  
 因經傳所過西來所傳歌以言志去去不可追四解  
 願登泰華山神人共遠遊經歷崑崙山到蓬萊飄飄八

極與神人俱思得神藥萬歲為期歌以言志願登泰華

山解一天地何長久人道居之短世言伯陽殊不知老赤

松王喬亦云得道得之未聞庶以壽考歌以言志天地

何長久解二明明日月光何所不光昭二儀合聖化貴者

獨人不萬國率土莫非王臣仁義為名禮樂為榮歌以

言志明明日月光解三四時更逝去晝夜以成歲大人先

天而天弗違不戚年往憂世不治存亡有命慮之為蚩

歌以言志四時更逝去解四戚戚欲何念歡笑意所之壯

盛智惠殊不再來愛時進趣將以惠誰汎汎放逸亦同

何為歌以言志戚戚欲何念五解右二曲魏晉樂所奏



前題 二首

文帝

堯任舜禹當復何為百獸率舞鳳凰來儀得人則安失  
人則危唯賢知賢人不易知歌以詠言誠不易移鳴條  
之役萬舉必全明德通靈降福自天 右曲一作歌魏德

朝與佳人期日夕殊不來嘉肴不嘗旨酒停杯寄言飛

鳥告余不能俯折蘭英仰結桂枝佳人不在結之何為

從爾何所之乃在大海隅靈若道言貽爾明珠企予望

之步立踟躕 一作躊躇 佳人不來何得斯須 右曲一作佳人

汎汎綠池中有浮萍寄身流波隨風靡傾芙蓉含芳菡

萏垂榮朝采其實夕佩其英采之遺誰所思在庭雙魚

比目鴛鴦交頸有美一人婉如清揚知音識曲善為樂

方 右曲一作浮萍篇

前題 七首

嵇康

富貴尊榮憂患諒獨多古人所懼豐屋蔀家人害其上

獸惡網羅惟有貧賤可以無他歌以言之富貴憂患多

其一 貧賤易居貴盛難為工耻佞直言與禍相逢變故萬

端俾吉作凶思牽黃犬其計莫 一作莫之 從歌以言之貴盛

難為工 其二 勞謙寡悔忠信可久安天道害 一作惡 盈好勝

者殘彊梁致災多事 一無事字 招禍患欲得安樂獨有無憊

歌以言之忠信可久安 其三 役神者弊極欲疾枯顏回短



折不及童烏縱體淫恣莫不早徂酒色何物今自不辜  
 歌以言之酒色令人枯其四絕智弃學遊心於玄默遇過  
 而悔當不自得垂釣一壑所樂一國被髮行歌和者四  
 塞歌以言之遊心於玄默其五思與王喬乘雲遊八極凌  
 厲五嶽忽行萬億授我神藥自生羽翼呼吸太和鍊形  
 易色歌以言之思一無思字行遊八極其六徘徊鍾山息駕於  
 層城上蔭華蓋下采若英受西聖母遂升紫庭逍遙天  
 衢千載長生歌以言之徘徊於其七城每首疊首二

前題

二首後首一云和班氏詩

晉傅玄

秋胡子娶婦三日會行仕宦既享顯爵保茲德音以祿

頤親韞此

一作此

黃金觀一好婦採桑路傍遂下黃金誘

以逢卿玉磨逾潔蘭動彌馨源流潔清水無濁波奈何  
 秋胡中道懷邪美此節婦高行巍峩哀哉可愍自投長

河

秋胡納令室三日宦他鄉皎皎潔婦姿冷冷守空房燕  
 婉不終夕別如參與商憂來猶四海易感難可防人言  
 生日短愁者苦夜長百草揚春華攘腕採柔桑素手尋  
 繁枝落葉不盈筐羅衣翳玉體回日流采章君子倦仕  
 歸車馬如龍驤精誠馳萬里既至一作去兩相忘行人悅  
 令顏借一作倩息此樹傍誘以逢卿喻遂下黃金裝烈烈



貞女忿言辭厲秋霜長驅及居室奉金升北堂母立呼  
婦來歡情樂未央秋胡見此婦惕然懷探湯負心豈不  
慙永誓非所望清濁必異源鳧鳳不竝翔引身赴長流  
果哉潔婦腸彼夫既不淑此婦亦太剛

前題

陸機

道雖一致塗有萬端吉凶紛藹休咎之源人鮮知命命  
未易觀生亦何惜功名所歎

前題

九首一云秋胡詩

宋顏延之

倚梧傾高鳳寒谷待鳴律影響豈不懷自遠每相匹婉  
彼幽閒女作嬪君子室峻節貫秋霜明艷侔朝日嘉運

既我從欣願自此畢

其一

燕居未及好

一作

良人顧有違

脫巾千里外結綬登王畿戒徒在昧旦左右來相依驅

車出郊郭行路正威遲存為久離別沒為長不歸

其二

嗟

余怨行役三陟窮晨暮巖駕越風寒解鞍犯霜露原隰

多悲涼迴飈卷高樹離獸起荒蹊驚鳥縱橫去悲哉遊

宦子勞此山川路

其三

超遙行人遠宛轉年運徂良時

一作

人為此別日月方向除孰知寒暑積僂俛見榮枯歲暮

臨空房涼風起坐隅寢興日已寒白露生庭蕪

其四

勤役

從歸願反路遵山河昔辭秋未素今也歲載華蠶月歡

一作

觀時暇桑野多經過佳人從所務窈窕援高柯傾城



誰不顧弭節停中阿其五年往誠思勞路遠闊音形雖爲  
 五載別相與昧平生捨車遵往路鳧藻馳目成南金豈  
 不重聊自意所輕義心多苦調密比金玉聲其六高節難  
 久淹竭來空復辭遲遲前途盡依依造門基上堂拜嘉  
 慶入室問何之日暮行來一作采歸物色桑榆時美人望  
 昏至慙歎前相持其七有懷誰能已聊用申苦難一作艱離  
 居殊年載一別阻河關春來無時豫秋至恒早寒明發  
 動愁心閨中起一作夜長歎慘悽歲方晏日落遊子顏其八  
 高張生絕弦聲急由調起自昔枉光塵結言一作心固終  
 始如何久爲別百行誓諸已君子失明義誰與偕沒齒

愧彼行露詩甘之長川汜其九

前題二首

謝惠連

春日遲遲桑何萋萋紅桃含天綠柳舒萸邂逅粲者游  
一作遵渚戲蹊華顏易改良願難諧其一係風捕影誠知不  
 得念彼奔波意慮迴惑漢女倏忽洛神飄揚空勤交甫  
 徒勞陳王其二

前題

七首一云和南海王殿下咏秋胡妻

齊王融

日月共爲照松筠俱以貞佩分甘自遠結鏡待君明且  
 協金蘭好方愉琴瑟情佳人忽千里幽一作空閨積思生  
 景落中軒坐悠悠望城闕高樹升夕煙層樓滿初月



光陰非或異山川屢難越輟泣揜鈇姿搔首亂雲髮其二

傾魄屬徂火搖念待方秋涼氣承宇結明熠僚堦流三

星亦虛暎四屋慘多愁思君如萱草一見乃忘憂其三杼

軸一作鬱不諧契闊彌一作新故朔風欄上發寒鳥林

間度客遠乏衣裘歲晏饒霜露參差與別緒依遲一作

起離慕其四願言如可信行邁亦云反睇景不告勞瞻途

寧遽遠何以淹歸轍蠶妾事春晚送日亂前華馳心迷

舊婉其五椒珮容有結振芳岐路隅黃金徒以賦白珪終

不渝明心良自皎安用久踟躕遄車及粉巷流日一作

下西虞其六披帷悵一作有望出門遲所欲彼美復來儀

慙顏變欣矚蘭艾隔芳臭一作涇渭分清濁去去夫人

子請殉川之曲其七

瑟調曲瑟調三十八曲一曰善哉行二曰隴西行三

東西門行七曰却却東西門行八曰順東西門行九

曰飲馬行十曰上留田行十一曰新成安樂宮行

十二曰婦病行十三曰孤子生行十四曰大牆上

蒿行十五曰野田黃雀行十六曰鈞竿行十七曰

臨高臺行十八曰長安城西行十九曰武舍之中

行二十曰鴈門太守行二十一曰豔歌何嘗行二

十二曰豔歌福鍾行二十三曰豔歌雙鴻行二十六

四曰煌煌京洛行二十五曰帝王所居行二十六

八曰門有車馬客行二十七曰墻上難為趨行二十

難行三十一曰權歌行三十二曰有所思行三十

目口次辛

卷六

七十一



東西門行今以其器有笙笛節琴瑟箏琵琶七種歌弦六部或云未歌之前有七種弦又在弄後

善哉行

一曰日苦短古辭

來日大難口燥唇乾今日相樂皆當喜歡一解經歷名山

芝草翻翻仙人王喬奉藥一丸二解自惜袖短內手知寒

慚無靈輒以報趙宣三解月沒參橫北斗闌干親交在門

饑不及餐四解歡日尚少戚日苦多以何忘憂彈箏酒歌

五解淮南八公要道不煩參駕六龍遊戲雲端六解右曲魏晉樂所

奏

前題 二首

魏武帝

古公亶父積德垂仁思弘一道哲王於幽一解太伯仲雍

王德之仁行施百世斷髮文身二解伯夷叔齊古之遺賢

讓國不用餓殂首山三解智哉山甫相彼宣王何用杜伯

累我聖賢四解齊桓之霸賴得仲父後任豎刁蟲流出戶

五解晏子平仲積德兼仁與世沈德未必思命六解仲尼之

世王國為君隨制飲酒揚波使官七解

自惜身薄祐夙賤罹孤苦既無三徙教不聞過庭語一解

其窮如抽裂自以思所怙雖懷一介志是時其能與二解

守窮者貧賤惋歎淚如雨泣涕於悲夫乞活要一作能

覩三解我願於天窮琅邪傾側左雖欲竭忠誠欣公歸其

楚四解快人由為歎抱情不得敘顯行天教人誰知莫不



緒五解我願何時隨此歎亦難處今我將何照於光曜釋

街不如雨六解右二曲魏晉樂所奏

前題四首第三首一作於講堂作  
第四首一作銅雀園詩文帝

上山採薇薄暮苦饑谿谷多風霜露沾衣一解野雉羣雉

猿猴相追還望故鄉鬱何壘壘二解高山有崖林木有枝

憂來無方人莫之知三解人生如寄多憂何為今我不樂

歲一作日月如一作其馳四解湯湯川流中有行舟隨波轉薄

有似客遊五解策我良馬被我輕裘載馳驅聊以忘憂

六解 有美一人婉如青揚妍姿巧笑和媚心腸知音識曲善

為樂方哀絃微妙清氣含芳流鄭激楚度宮中商感心

動耳綺麗難忘離鳥夕宿在彼中洲延頸鼓翼悲鳴相

求眷然顧之使我心愁嗟爾昔人何以忘憂有美二句  
知音二句

見秋胡行

朝日樂相樂酣飲不知醉悲絃激新聲長笛吐一作清

氣一解絃歌感人腸四坐皆歡悅寥寥高堂上涼風入我

室二解持滿如不盈有德者能卒君子多苦心所愁不但

一三解慊慊下白屋吐握不可失衆賓飽滿歸主人苦不

悉四解比翼翔雲漢羅者安所羈冲靜得自然榮華何足

為五解

目口吹南

七十九



朝遊高臺觀夕宴華池陰大酋奉甘醪狩人獻嘉禽解一

齊倡發東舞秦箏奏西音有客從南來為我彈清琴解二

五音紛繁會拊者激微吟淫魚乘波聽踴躍自浮沈解三

飛鳥翻翔舞悲鳴集北替葉極哀情來寥亮摧肝心解四

清角豈不妙德薄所不任蠶或子野言弭絃且自禁解五

右四曲魏晉樂所奏

前題 二首 明帝

我祖我征伐彼蠻虜練師簡卒爰正其旅解一輕舟竟川

初鴻依浦桓桓猛毅如羆解二如虎解三發砲解四若雷

吐氣如解五雨旄旄指麾進退應矩解六百馬齊轡御由

造父休休六軍咸同斯武解一兼塗星邁亮茲行阻行行

日遠西背京許解二遊弗淹旬遂屆揚土奔寇震懼莫敢

當御解三虎臣列將怫鬱充怒淮泗肅清奮揚微所解四運

德耀威惟鎮惟撫反旆言歸告入皇祖解五八解一六解下

則亾虜假氣游蒐魚鳥為伍四句

赫赫大魏王師徂征冒暑討亂振耀威靈解一汎舟黃河

隨波潺湲通渠回越行路綿綿解二綵旄蔽日旗旒翳天

淫魚灑潏遊戲解三深淵解四唯塘泊解五從如流不為

單握揚楚心惆悵歌採薇心綿綿在淮淝願君速節解六

捷早旋歸解七四解右二曲魏晉樂所奏

目口次辛 卷六 八十一



前題

宋謝靈運

陽谷躍升虞淵引落景曜東隅晚西薄三春燠敷九  
秋蕭索涼來溫謝寒往暑却居德斯願積善嬉謔陰灌  
陽叢凋華墮萼歡去易慘悲至難鑠擊節一作激滌當歌對  
酒當酌鄙哉愚人戚戚懷瘼善哉達士滔滔處樂

日苦短

一日當來日大難

魏陳思王植

日苦短樂有餘乃置玉樽辦東厨廣情故心相於闔門  
置酒和樂欣欣遊馬後來轅車解輪今日同堂出門異  
鄉別易會難各盡杯觴

隴西行

一日步出夏門行古辭

天上何所有歷歷種白榆桂樹夾道生青龍對道隅鳳  
凰鳴啾啾一母將九雛顧視世間人為樂甚獨殊好婦  
出迎客顏色正敷愉伸腰再拜跪問客平安不請客北  
堂上坐客氈氍毹清白各異樽酒上正萼疏酌酒持與  
客客言主人持却畧再拜跪然後持一杯談笑未及竟  
左顧敕中厨促令辦麤飯慎莫使稽留廢禮送客出盈  
盈府中趨送客亦不遠足不過門樞取婦得如此齊姜  
亦不如健婦持門戶亦勝一丈夫

前題

晉陸機

我靜如鏡民動如烟事以形兆應以象懸豈曰無才世



鮮興賢

前題

宋謝靈運

昔在老子至一作志理成篇柱小傾大綆短絕泉鳥之栖  
遊林檀是閑韶樂牢膳豈伊攸便胡為乖枉從表方圓  
耿耿僚志慊慊丘園善歌以詠言理成篇

前題

謝惠連

運有榮枯道有舒屈潛保黃裳顯服朱黻誰能守靜棄  
華辭榮窮谷是處考槃是營千金不迴百代傳名厥包  
者袖忘憂者萱何為有用自垂中原實摘柯摧葉殞條  
頌

前題

二首後二首一作汎舟橫大江

梁簡文帝

邊秋胡馬肥雲中驚寇入勇氣特一作時無侶輕兵救邊  
急沙平不見虜嶂嶮一作轉還相及出塞豈成歌經川未  
遑汲烏孫塗更阻康居路猶澀月暈抱龍城星流照馬  
邑長安路遠書不還寧知征人獨佇立

隴西四戰地羽檄歲時聞護羌擁漢節校尉立元勳石  
門留鐵騎冰城息夜軍洗兵逢驟雨送陣出黃雲沙長  
無止泊水脉屢縈分當思勒彝鼎無用想羅裙

悠悠懸旆旌知向隴西行滅竈驅前馬銜枚進後兵沙  
飛朝似幕雲起夜疑城迴山時阻路絕水亟一作極稽程



往年卸支服今歲單于平方歡凱樂盛飛蓋滿西京

前題

庾肩吾

借問隴西行何當驅馬征草合前迷路雲濃後暗城寄  
語幽閨妾羅袖勿空縈

步出夏門行

古辭

邪徑過空廬好人常獨居卒得神仙道上與天相扶過  
謁王父母乃在太山隅離天四五里道逢赤松俱攬轡  
為我御將吾天上遊天上何所有歷歷種白榆桂樹夾  
道生青龍對伏蹏

前題

一作步出東西門行一作碣石篇晉以為碣石舞其歌四章與此並同伯曲前無豔爾

魏武帝

雲行雨步超越九江之臯臨觀異同心意懷遊豫不知  
當復何從經過至我碣石心惆悵我東海右為豔東臨碣  
石以觀滄海水何澹澹山島竦峙樹木叢生百草豐茂  
秋風蕭瑟洪波一作濤湧起日月之行若出其中星漢燦  
爛若出其裏幸甚至哉歌以詠志一作言志一作觀孟冬十  
月北風徘徊天氣肅清繁霜霏霏鷓鴣晨鳴鴻鴈南飛  
鷺鳥潛藏能巖窟栖錢鏰停置農收積塲逆旅整設以  
通賈商幸甚至哉歌以詠志二解右冬十月鄉土不同河朔隆  
寒流澌浮漂舟船行難雖不入地豐籟深奧水竭不流



冰堅可蹈士隱者貧勇俠輕非心常歎怨戚戚多悲幸  
甚至哉歌以詠志三解右土不同一作河朔寒神龜雖壽猶有竟時

騰蛇乘霧終為土灰老驥伏櫪志在千里烈士暮年壯

心不已盈縮之期不但在天養恬一作怡之福可得永年

幸甚至哉歌以詠志四解右龜雖壽右曲魏晉樂所奏

前題

云隴西行或作明帝

文帝

步出夏門東登首陽山嗟哉夷叔仲尼稱賢君子退讓  
小人爭先惟斯二子于今稱傳林鍾受謝節改時遷日  
月不居誰得久存善哉殊復善茲歌樂情解商風夕起  
悲彼秋蟬變形易色隨風東西乃眷西顧雲霧相連丹

霞翠舉彩虹帶天弱水潺潺葉落一作落葉翩翩孤禽失羣

悲鳴其間善哉殊復善悲鳴在其間二解朝遊清冷日暮

嗟歸蹶迫日暮烏鵲南飛繞樹三匝何枝可依卒逢風

雨樹折枝摧雄來驚雌雌獨愁棲夜失羣侶悲鳴徘徊

芄芄荆棘葛生綿綿感彼風人惆悵自憐月盈則冲華

不再繁古來之說嗟哉一言右曲魏晉樂所奏朝遊二句為豔蹶迫以下為趨

林鍾受謝節改時遷日月不居誰得久存商風夕起悲彼秋蟬變形易色隨風東西乃眷西顧雲霧相連

丹霞蔽日彩虹帶天谷水潺潺葉落翩翩孤禽失羣悲鳴其間朝遊清冷日暮嗟歸蹶迫日暮烏鵲南飛

繞樹三匝何枝可依卒逢風雨樹折枝摧雄來驚雌雌獨愁棲夜失羣侶悲鳴徘徊芄芄荆棘葛生綿綿

感彼風人惆悵自憐月盈則冲華不再繁古來之說嗟哉一言右木辭



折楊柳行

一作大曲古辭

默默施行違厥罰隨事來未喜殺龍逢桀放於鳴條

解一

祖伊言不用紂頭懸白旄指鹿用為馬胡亥以喪軀

解二

夫差臨命絕乃云負子胥戎王納女樂以亡其由余璧

馬禍及號二國俱為墟

解三

三夫成市虎慈母投杼趨卞

和之則足接輿歸草廬

解四

右曲魏晉樂所奏

前題

一作長歌行 一作遊仙詩

魏文帝

西山亦

一作

何高高高殊無極上有兩仙僮不飲亦不

食與我一丸藥光耀有五色

解一

服藥四五日身體生羽

翼輕舉乘浮雲倏忽行萬億流覽觀四海茫茫非所識

彭祖稱七百悠悠安可原老聃適西戎于今竟不

王喬假虛辭赤松垂空言

解二

達人識真偽愚夫好妄得

追念往古事憤憤千萬端百家多迂怪聖道我所觀

解四

右曲魏晉樂所奏

前題

晉陸機

邈矣垂天景壯哉奮地雷豐

解一

隆豈久響華光

解二

但西墮日落似有竟時逝恒若催仰悲朗月運坐觀旋

蓋迴盛門無再入衰房莫苦開人生固已短出處鮮為

諧慷慨惟昔人與此千載懷升龍悲絕處葛藟變條枚

寤寐豈虛歎曾是感與摧弭意無足歡願言有餘哀



前題 二首

宋謝靈運

鬱鬱河邊樹青青野田草舍我故鄉客將適萬里道妻  
妾牽衣袂技淚沾懷抱還拊幼童子顧托兄與嫂辭訣  
未及終嚴駕一何早負笻引文舟饑渴常不飽誰令爾  
貧賤谷嗟何所道  
騷屑出穴風揮霍見日雪颼颼無久搖皎皎幾時潔未  
覺泮春冰已復謝秋節空對尺素遷獨視寸陰滅否桑  
未易繫秦茅難重拔桑茅迭生運語默寄前哲

西門行

一作大曲古辭

出西門步念之今日不作樂當待何時

解一夫為樂為樂

當及時何能坐愁悒鬱當復待來茲

解二飲醇酒炙肥牛

請呼心所歡可用解愁憂

解三人生不滿百常懷千歲憂

晝短苦

一作

夜長何不秉燭遊

解四

自非仙人王子喬計

會壽命難與期自非仙人王子喬計會壽命難與期

解五

人壽非金石年命安可期貪財愛惜費但為後世嗤

解六

右曲音樂所奏

出西門步念之今日不作樂當待何時逮為樂逮為  
樂當及時何能愁悒鬱當復待來茲釀美酒炙肥牛  
請呼心所歡可用解憂愁人生不滿百常懷千歲憂  
晝短苦夜長何不秉燭遊遊去去如雲除弊車羸  
馬為自儲右本辭

東門行

一作大曲古辭

出東門不顧歸來入門悵欲悲盎中無斗儲還視桁上



無懸衣解一板劍出門去兒女牽衣啼他家但願富貴賤

妾與君共舖麩解二共舖麩上用倉浪天故下為黃口小

兒今時清廉難犯教言君復自愛莫為非解三今時清廉

難犯教言君復自愛莫為非行吾去為遲平慎行望君

歸四解右曲晉樂所奏

出東門不顧歸來入門悵欲悲盎中無斗米儲還視  
架上無懸衣拔劍東門去舍中兒女牽衣啼他家但  
願富貴賤妾與君共舖麩上用倉浪天故下當用此  
黃口兒今非咄行吾去為遲白髮時下難久居右本  
辭女一作世

前題

一作遊春篇

晉張駿

勾芒御春正衡紀運玉瓊明庶起祥風和氣翁來征慶

雲蔭八極甘雨潤四垓昊天降靈澤朝日耀華精嘉苗

布原野百卉敷時榮鳩鵲與鶯鶯一作鶯黃間關相和鳴菘

萍一作芙蓉覆靈沼香花揚芳馨春遊誠可樂感此白日傾

休否有終極落葉思本莖臨川悲逝者節變動中情

前題

宋鮑照

傷禽惡弦驚倦客惡離聲離聲斷客情賓御皆涕零涕

零心斷絕將去復還訣一息不相知何況異鄉別遙遙

征駕遠杳杳白一作落日晚居人掩閨臥行子夜中飯野

風吹草一作秋木行子心腸斷食梅常苦酸衣葛常苦寒

絲竹徒滿座憂人不解顏長歌欲自慰彌起長恨端



東西門行

梁劉孝威辭

廣津寒欲歇聯檣密纜收天高匝近岫江濶少方舟  
餞淚留神眷離欵切私儔佇變齊兒俗當傳楚獻囚徒然  
頒並命秣慙思如抽

却東西門行

魏武帝辭一曰鴻鴈生塞北行

鴻鴈出塞北乃在無人鄉舉翅萬里餘行止自成行冬  
節食南稻春日復北翔田中有轉蓬隨風遠飄揚長與  
故根絕萬歲不相當奈何此征夫安得去四方戎馬不  
解鞍鎧甲不離傍冉冉老將至何時反故鄉神龍藏深  
泉猛獸步高岡狐死歸首丘故鄉安可忘

右曲魏晉樂所奏

前題

晉傅玄

和樂唯有舞運體

一作應節

不失機退似前龍婉進如翔鸞

飛回目流神光傾亞有餘姿

前題

宋謝惠連

慷慨發相思惆悵戀音徽四節競闌候六龍引頽機人  
生隨時變遷化焉可祈百年難必保千慮盈懷之

前題

梁沈約

驅馬城西阿遙眺想京闕望極烟原盡地遠山河沒搖  
裝非短晨還歌豈明發修服悵邊羈瞻途眇鄉謁馳蓋  
轉徂龍回星引奔月樂去哀鏡

疑作境

滿悲來壯心歇歲



華委徂貌年霜移暮髮辰物久侵晏一作尋征思坐淪越  
清氛掩行夢憂原盪瀛渤一念起關山千里顧丘窟

鴻鴈生塞北行

晉傅玄

鳳凰遠生海西及時崑山岡五德存羽儀和鳴定宮商  
百鳥竝侍左右鼓翼騰華光上熙遊雲日間千歲時來  
翔孰若彼龍與龜曳尾泥中藏非雲雨則不升冬伏春  
迺驤退哀此秋蘭草根絕隨化揚靈氣一何憂美萬里  
馳芬芳常恐物微易歇一朝見棄忘

順東西門行

晉陸機辭

出西門望天庭陽谷既虛崦嵫盈感朝露悲人逝者

若斯安得停桑樞戒蟋蟀鳴我今不樂歲聿征迨未暮  
及時平置酒高堂宴友生激朗笛彈哀箏取樂今日盡  
歡情

前題

宋謝靈運

出西門眺雲間揮斤扶木墜一作墮虞泉信道人鑒徂川  
思樂暫捨誓不旋閔九九傷牛山宿心載違徒昔言競  
落運務頽年招命儕好相追牽酌芳醑奏繁絃惜寸陰  
情固然

前題

謝惠連

哀朝菌閔頽力遷化常然焉肯息及壯齒遇世直酌酪



華堂集親識舒情盡懽遣悽惻

飲馬長城窟行

一日飲馬行古辭秦始皇二十四年使太子扶蘇與蒙恬築長城起

自臨洮至於碣石東暨遼海西並陰山凡萬餘里今白道南谷口有長城自城北出有高坂傍有土穴出泉拒之不窮所謂長城窟者也或云蔡邕之辭亦曰青青河畔草

青青河畔

一作邊

草綿綿思遠道遠道不可思宿昔夢見

之夢見在我傍忽覺在他鄉他鄉各異縣展轉不相見

枯桑知天風海水知天寒入門各自媚誰肯相為言客

從遠方來遺我雙鯉魚呼兒

一作童

烹鯉魚中有尺素書

長跪讀素書書中竟何如上有

一作言下同

加餐食

一作飯下

有長相憶

前題

魏文帝

浮舟橫大江討彼犯荆虜武將齊貫鉀征人伐金鼓長

戟十萬隊幽冀百石弩發機若雷電一發連四五

前題

陳琳

飲馬長城窟水寒傷馬骨往謂長城吏慎莫稽留太原

卒官作自有程舉築諧汝聲男兒寧當格鬪死何能怫

鬱築長城長城何連連連連三千里邊城多健少

一作兒

內舍多寡婦作書與內舍便嫁莫留住善侍新姑嫜時

時念我故夫子報書往

一作與

邊地君今出語一何鄙身

在既難中何為稽留他家子生男慎莫舉生女哺用脯



君獨不見長城下死人骸骨相撐拄結髮行事君慊慊  
心意關一作間明知邊地苦賤妾何能久自全

前題

一作青青河邊草篇

晉傅玄

青青河邊草悠悠萬里道草生在春時遠道還有期春  
至草不生期一作泣盡歎無聲感物懷思心夢想發中情  
夢君如鴛鴦比翼雲間翔既覺寂無見曠如參與商夢  
君結同心比翼遊北林既覺寂無見曠如商與參河洛  
自用固不如中岳安回流不及返浮雲往自還悲風動  
思心悠悠誰知者懸景無停居忽如馳駟馬傾耳懷音  
響轉目淚雙墮生存無會期要君黃泉下一無夢君結同心四句

前題

陸機

驅馬陟陰山山高一作陰馬不前往問陰山候勁虜在燕

然戎車無停軌旆旆屢徂遷仰憑積雪巖俯涉堅冰川  
冬來秋未反去家邈以縣獫狁亮未夷征人豈徒旋末  
德爭先鳴鹵器無兩全師克薄賞行軍沒微軀捐將遵  
甘陳迹收功單于旃振旅勞歸士一作去受爵藁街傳

前題

一作青青河畔草

梁昭明太子統

亭亭山上柏悠悠遠行客行客行路遙故鄉日迢迢迢  
迢不可見長望涕如霰如霰獨留連長路邈綿綿胡馬  
愛北風越燕見日喜緼此望鄉情沈憂不能止有朋西



南來投我用木李并有一札書行止風雲起扣封披書  
札書札竟何有前言節所愛後言別離久

前題

沈約

介馬度龍堆塗縈馬屢廻前訪昌海驛雜種寇輪臺旌  
幕卷烟雨徒御犯冰埃

前題

陳後主

征馬入他鄉山花此夜光離羣嘶向影因風屢動香月  
色含城暗秋聲襍塞長何以酬天一作君子馬革報疆場

前題

張正見

秋草朔風驚飲馬出長城羣驚還怯飲地險更宜行傷

冰飲凍足畏冷急寒聲無因度吳坂方復入羌城

前題

周王褒

北走長安道征騎每經過戰垣臨八陣旌門對兩和屯  
兵戍隴北飲馬傍城阿雪深無復道冰合不生波塵飛  
連陣聚沙平騎跡多昏昏壠坻月耿耿霧中河羽林猶  
角觝將軍尚雅歌臨戎常拔劍蒙險屢提戈秋風鳴馬  
首薄暮欲如何

前題

尚法師

長城征馬度橫行且勞羣入冰穿凍水飲浪聚流文澄  
鞍如清月照影若流雲別有長松氣自解逐將軍



前題 示從征羣臣

隋煬帝

肅肅秋風起悠悠行萬里萬里何所行橫漠築長城豈  
台小子智先聖之所營樹茲萬世策安此億兆生詎敢  
憚焦思高枕於上京北河乘一作兩河執武節千里捲戎旌  
山川互出沒原野窮超忽縱金止行陣鳴鼓興士卒千  
乘萬騎動飲馬長城窟秋昏塞外雲霧暗關山月緣巖  
驛馬上乘空烽火發借問長城候單于入朝謁濁氣靜  
天山晨光照高闕釋兵仍振旅要荒事方舉飲至告言  
旋功歸清廟前

青青河畔草

晉陸機

靡靡江離草熠熠生河側皎皎彼姝女阿那當軒織粲  
粲妖容姿灼灼美顏色良人遊不歸偏棲獨隻翼空房  
來悲風中夜起歎息

前題

宋南平王鑠

淒淒含露臺肅肅迎風館思女御櫺軒哀心徹雲漢端  
撫悲弦泣獨對明燈歎良人久遙役耿介終昏旦楚楚  
秋水歌依依採菱彈心一作聲

前題

荀景

熒熒山上火茗茗隔隴左隴左不可至精爽通寤寐寤  
寐衾幃同忽覺在他邦他邦各異邑相逐不相及迷墟



在望烟木落知冰堅升朝各自進誰肯相攀牽客從北方來遺我端弋縑命僕開弋縑中有隱起珪長跪讀隱珪辭苦聲亦悽上言各弩力下言長相懷

前題

鮑令暉

裊裊臨牕竹藹藹垂門桐灼灼青軒女泠泠高堂一作臺中明志逸秋霜玉顏掩春紅人生誰不別恨君早從戎鳴絃慙夜月紺黛羞春風

前題

齊王融

容容寒烟起翹翹望行子行子殊未歸寤寐君一作若容輝夜中心愛促覺後阻河曲河曲萬里餘情交襟袖疎

珠露春華返璿霜秋照一作桂晚入室怨蛾眉情歸為誰

婉

前題

梁武帝

幕幕繡戶絲悠悠懷昔期昔期久不歸鄉國曠音微音微空結遲半寢覺如至既寤了無形與君隔平生月以雲掩光葉以霜摧老當途競自容莫肯為一作與妾道

前題

沈約

漠漠牀上塵心中憶故人故人不可憶中夜長歎息歎息想容儀不言長別離別離稍已久空牀寄杯酒

前題

何遜

轉韻體為人作其人識節工歌



春蘭

一作日

應好折花望遠道秋夜苦復長抱枕

向空牀吹臺

樓一作

下促節不言於此別歌筵掩團扇何

時一相見絃絕猶依軫葉落纔下枝即此雖云

久一作別

方我未成離

上留田行

上留田地名漢世人有父母死不字其孤弟者隣人為其弟作悲歌以風之

里中有啼兒似類親父子回車問啼兒慷慨不可止

前題

魏文帝

居世一何不同上留田富人食稻與梁上留田貧子食

糟與糠上留田貧賤亦何傷上留田祿命懸在蒼天上

留田今爾歎息將欲誰怨上留田

前題

晉陸機

嗟行人之藹藹駿馬陟原風馳輕舟汎川雷邁寒往暑

來相尋零雪霏霏集宇悲風徘徊入襟歲華冉冉方除

我思纏綿未紆感時悼逝悽如

前題

宋謝靈運

薄遊出彼東道上留田薄遊出彼東道上留田循聽一

何轟轟上留田澄川一何皎皎上留田悠哉過矣征夫

上留田悠哉過矣征夫上留田兩服上阪電遊

一作雷逝

留田舫舟下游颿驅上留田此別既久無適上留田此

別既久無適上留田寸心繫在萬里上留田尺素遵此



千夕上留田秋冬迭相去就上留田秋冬迭相去就上  
留田素雪紛紛鶴委上留田清風颼颼入袖上留田歲  
二云暮矣增憂上留田歲云暮矣增憂上留田誠知運來  
詎抑上留田熟視年往莫留上留田

前題

梁簡文帝

正月土膏初欲發天馬照耀動農祥田家斗酒羣相勞  
為歌長安金鳳凰

新成安樂宮行

成一作城梁簡文帝辭

遙看雲霧中刻桷映丹紅珠簾通曉一作晚日金華拂夜  
風欲知歌管處來過安樂宮

前題

陳陰鏗

新宮實壯哉雲裏望樓臺迢遞翔鴟仰連翩賀燕來重  
欄寒霧宿丹井一作夏一作蓮開砌石披新錦梁花畫  
早梅欲知安樂盛歌管雜塵埃

前題

隋陳子良

春色照蘭宮秦女旦一作王牕中柳葉來眉上桃花落臉  
紅拂塵開扇匣卷帳却薰籠衫薄偏憎日裙輕更畏風

婦病行

古辭

婦病連年累歲傳呼丈人前一言當言未及得言不知  
淚下一何翩翩屬累君兩三孤子莫我兒饑且寒有過



慎莫笄笄行當折搖思復念之亂曰抱時無衣襦復無  
 裏閉門塞牖舍孤兒到市道逢親交泣坐不能起從乞  
 求與孤買餌對交啼泣淚不可止我欲不傷悲不能已  
 探懷中錢持授交入門見孤兒啼索其母抱徘徊空舍  
 中行復爾耳弃置勿復道

前題

陳江總

窈窕懷貞室風流挾琴婦唯將角枕臥自影啼妝久羞  
 開翡翠帷嬾對蒲萄酒深悲在縑素託意忘箕帚夫壻  
 府中趨誰能大垂手

孤子生行

一曰孤兒行亦曰放歌行古辭

孤兒生孤子遇生命獨當苦父母在時乘堅車駕駟馬  
 父母已去兄嫂令我行賈南到九江東到齊與魯臘月  
 來歸不敢自言苦頭多蟣虱面目多塵大兄言辦飯大  
 嫂言視馬上高堂行取殿下堂孤兒淚下如雨使我朝  
 行汲暮得水來歸手為錯足下無菲愴愴履霜中多疾  
 藜拔斷蒺藜腸月中愴欲悲淚下漉漉清涕纍纍冬無  
 復襦夏無單衣居生不樂不如早去下從地下黃泉春  
 風動草萌芽三月蠶桑六月收瓜將是瓜車來到還家  
 瓜車反覆助我者少啗瓜者多願還我蒂兄與嫂嚴獨  
 且急歸當與校計亂日里中一何澆澆願欲寄尺書將



與地下父母兄嫂難與久居

放歌行

晉傅玄

靈龜有枯甲神龍有腐鱗人無千歲壽存質空相因朝  
露尚移景促哉水上塵丘塚如履綦不識故與新高樹  
來悲風松柏垂威神曠野何蕭條顧望無生人但見狐  
狸迹虎豹自成羣孤雛攀樹鳴離鳥何繽紛愁子多哀  
心塞耳不忍聞長嘯淚雨下太息氣成雲

前題

宋鮑照

蓼蟲避葵董習苦不言非一作非小人自齷齪安知曠士  
懷鷄鳴洛城裏禁門平日開冠蓋縱橫至車騎四方來

素帶曳長飈華纓結遠埃日中安能止鐘鳴猶未歸夷  
世不可逢賢君信愛才明慮自天斷不受外嫌猜一言  
分珪爵片善辭草萊豈伊白璧賜將起黃金臺今君有  
何疾臨路獨遲迴

大墻上蒿行

魏文帝辭

陽春無不長成草木羣類隨大風起零落若何翩翩中  
心獨立一何筦四時舍我驅馳今我隱約欲何為人生  
居天壤間忽如飛鳥棲枯枝我今隱約欲何為適君身  
體所服何不恣君口腹所嘗冬被貂鼯溫暖夏當服綺  
羅輕涼行力自苦我將欲何為不及君少壯之時乘堅



車策肥馬良上有滄浪之天今我難得久來視下有蠕  
蠕之地今我難得久來履何不恣意遨遊從君所喜帶  
我寶劍今爾何爲自低卬悲麗平壯觀白如積雪利如  
一作秋霜駁犀標首玉琢中央帝王所服辟除凶殃御  
左右奈何致福祥吳之辟閭越之步光楚之龍泉韓有  
墨陽苗山之鋌羊頭之鋼知名前代咸自謂麗且美曾  
不知君劍良綺難忘冠青雲之崔嵬織羅爲纓飾以翠  
翰旣美且輕表容儀俯仰垂光榮宋之章甫齊之高冠  
亦自謂美蓋何足觀排金鋪坐玉堂風塵不起天氣清  
涼秦桓瑟舞趙倡女娥長歌聲協宮商感心動耳蕩氣

回腸酌桂酒鱸鯉魴與佳人期爲樂康前奉玉卮爲我  
行觴今日樂不可忘樂未央爲樂常苦遲歲月逝忽若  
飛何爲自苦使我心悲

野田黃雀行

魏陳思王植辭

高樹多悲風海水揚其波利劍不在掌結友何須多不  
見籬間雀見鷄自投羅羅家得雀喜少年見雀悲拔劍  
搗羅網黃雀得飛飛飛摩蒼天來下謝少年

前題

北齊蕭轂

弱軀媿一作慙彩飾輕毛非錦文不知鴻鵠志非是鳳皇  
羣作風隨濁一作濯雨入曲應玄雲空城舊侶絕滄海故



交分寧死明珠彈且避鷹將軍

鴈門太守行

一曰洛陽行古辭後漢王渙字稚子廣漢鄭人也父順安定太守渙敦儒

學習書讀律舉茂才除温令討擊姦猾境內清夷商人露宿於道其有放牛者輒云以屬稚子終無陵犯遷兗州刺史繩正風部聲威大行後坐考妖言不實論歲餘拜侍御史永元十五年還為洛陽令政平訟理發擿姦伏如神元興初病卒百姓咨嗟男女老壯相與奠醑以千數及喪西歸經弘農皆設槃按於路吏問其故咸言平常持米到洛為卒司所抄恒亡其半自王君在事不見侵枉故來報恩為立祠安陽亭西每食輒絃歌而薦之延熹中桓帝事黃老道悉毀諸旁祀唯存卓茂與渙祠焉

孝和帝在時洛陽令王君本自益州廣漢蜀民少行宦學通五經論一明知法令歷世衣冠從温補洛陽令治

行致賢擁護百姓子養萬民二外行猛政內懷慈仁文

武備具料民富貧移惡子姓一有名五二字篇著里端二傷殺

人比伍同罪對門禁鑿一作五八尺捕輕薄少年加笞

決罪詰馬市論四無妄發賦念在理寬敕吏正獄不得

苛煩財用錢三十買繩禮一作五竿賢哉賢哉我縣王

君臣吏衣冠奉事皇帝功曹主簿皆得其人六臨部居

職不敢行恩清身苦體夙夜勞勤治有能名遠近所聞

七天年不遂早就奄昏為君作祠安陽亭西欲令後世

莫不稱傳八解右曲晉樂所奏

前題 二首

梁簡文帝



輕霜中夜下黃葉遠辭枝寒苦春難覺邊城秋易知風  
急於旗斷塗長鎧馬疲少解孫吳法家本幽并兒非關  
買鴈肉徒勞皇甫規

隴暮風恒急關寒霜自濃櫪馬夜方思邊衣秋未重潛  
師夜接戰畧地曉摧鋒悲笳動胡塞高旗出漢墉勤勞  
謝功業清白報迎逢非須主人賞寧期定遠封單于如  
未繫一作擊終夜慕前蹤

前題

褚翔

三月楊花合四月麥秋初幽州寒食罷鄭國采桑疎便  
聞鴈門戍結束事戎車去歲無霜雪今年有閏餘月如

弦上琴星類水中魚鵝軍攻日逐燕騎蕩康居大宛歸  
善馬小月送降書寄語閨中妾勿怨寒牀虛

豔歌何嘗行

一作飛鵝行亦曰飛來雙白鵝古辭  
一作大曲

飛來雙白鵝乃從西北方

一作來

十五五羅列成行

一作解

妻卒被病行不能相隨五里一返顧六里一徘徊

二解吾

欲銜汝去口噤不能開吾欲負汝去毛羽何摧頽

三解樂

哉新相知憂來生別離躊躇顧羣侶淚下不自知

四解念

與君離別氣結不能言各各重自愛遠道

一作道遠

歸還難

妾當守空房閉門下重關若生當相見亡者會黃泉今

日樂相樂萬歲期延年

右曲晉樂所奏念與以下為趨



一云飛來雙白鵠乃從西北來十將五五羅列行不齊忽然卒疲病不能飛相隨五里一返顧六里一徘徊吾欲銜汝去口噤不能開吾欲負汝去羽毛日摧頽樂哉心相知憂來生別離踟躕顧羣侶淚落從橫垂今日樂相樂延年萬歲期

前題

一作古辭

魏文帝

何嘗快獨無憂但當飲醇酒炙肥牛解一長兄為二千石

中兄被貂裘解二小弟雖無官爵鞍馬馭馭往來王侯長

者遊解三但當在王侯殿上快獨樗蒲六博對坐彈棋解四

男兒居世各當努力蹶迫日暮殊不久留解五少小相觸

抵寒苦常相隨念恚安足諍吾中道與卿共別離約身

奉事君禮節不可虧上慚滄浪之天下顧黃口小兒奈

何復老心皇皇獨悲誰能知右曲晉樂所奏曲前為豔少小以下為趨

飛來雙白鵠

鵠一作鶴或云古字通用

宋吳邁遠

可憐雙白鵠雙雙絕塵氛連翩弄光景交頸遊青雲逢

羅復逢繳雌雄一旦分哀聲流海曲孤叫出一作絕又作去江

濱豈不慕前侶為爾不及羣步步一零淚千里猶待君

樂哉新相知悲來一作矣生別離持此百年命共逐寸陰

移譬如空山草零落心自知

前題

梁元帝

紫蓋學仙成能令吳市傾逐舞隨疎節聞琴應別聲集

田遙赴影隔霧近相鳴時從洛浦渡飛向遼東城



前題

陳後主

朔吹已蕭瑟愁雲屢合開玄冬辛苦地白鶴從風催音  
響已清切毛羽復殘摧飛來進 但為失雙回儻逢

噲德當共銜珠來

豔歌行

二首並古辭南山四句一作扶風歌

翩翩堂前燕冬藏夏來見兄弟兩三人流宕在他縣故  
衣誰當補新衣誰當綻賴得賢主人覽取為吾組夫壻  
從門來斜倚一作柯西北眇語卿且勿眇水清石自見石  
見何纍纍遠行不如歸

南山石鬼鬼松柏何離離上枝拂青雲中心十數圍洛

陽發中梁松樹竊自悲斧鋸截是松松樹東西摧持作  
四輪車載至洛陽宮觀者莫不歎問是何山材誰能刻  
鏤此公輸與魯班被之用丹漆薰用蘇合香本是南山  
松今為宮殿梁

前題

宋江夏王義恭

江南遊湘妃窈窕漢濱女淑問流古今蘭音媚鄭楚瑤  
顏映長川善服照通滸求思望襄滋歎息對衡渚中情  
未相感搔首增企予悲鴻失良匹俯仰戀儔侶徘徊忘  
寢食羽翼不能舉傾首佇春鷺為我津辭語

前題

二首前首一作有女篇後首一作豔歌曲

梁簡文帝



凌晨光景麗倡女鳳樓中前瞻削成小傍望卷旌空分  
妝開淺靨繞臉傳斜紅張琴未調軫飲吹不全終自知  
心所愛出入仕秦宮誰言連尹屈更是莫敖通輕軹綴  
阜蓋飛轡轆雲驄金鞍隨繫尾銜瓊映纏驥戈鏤荆山  
玉劔飾丹陽銅左把蘇合彈傍持大屈弓控弦因鵠血  
挽纜一作用牛螭弋獵多登隴酣歌每入豐暉暉隱落  
日冉冉還房櫳燈生陽燧火塵散鯉魚風流蘇時下帳  
象簾復韜筒霧暗窻前柳寒疎井上桐女蘿託松際甘  
瓜蔓井東拳拳恃君寵歲暮望無窮  
雲楣桂成戶飛棟杏爲梁斜窻通藥氣細隙引塵光栽

衣魏后尺汲水淮南牀青驪暮當返預使羅裙香

前題 三首

陳顧野王

夕臺行雨度朝梁照日輝東城採桑返南市數錢歸長  
歌挑碧玉羅塵笑洛妃欲知歡未盡棲鳥已夜飛  
齊倡趙女盡妖妍珠簾玉砌併神仙莫笑人來最落後  
能使君恩得度前豈知洛渚羅塵步詎減天河秋夕渡  
妖姿巧笑能傾城那思他人不憎妬蓮花藻井推芰荷  
採菱妙曲勝陽阿

燕姬妍趙女麗出入王宮公主第倚鳴瑟歌未央調弦  
八九弄度曲兩三章唯欣春日永詎愁秋夜長歌未央



倚鳴瑟輕風飄落藥乳燕巢蘭室結羅帷翫朝日牕開  
翠幔卷妝罷金星出爭攀四照花競戲三條術

豔歌行有女篇

晉傅玄

有女懷芬芳媿媿步東廂蛾眉分翠羽明目一作發清

揚丹唇翳皓齒秀色若珪璋巧笑露權厖衆媚不可詳

令儀希世出無乃古毛嬙頭安一作戴金步搖耳繫明月

璫珠環約素腕翠羽垂鮮光文袍綴藻黼玉體映羅裳

容華既已豔志節擬秋霜微一作音冠青雲聲響流四

方妙哉美媛德宜配侯與王靈應萬世合日月時相望

媒氏陳束帛羔鴈鳴前堂百兩盈中路起若鸞鳳翔凡

夫徒踴躍望絕殊參商

煌煌京洛行

魏文帝辭

天天園桃無子空長虛美難假偏輪不行一解淮陰五刑

鳥盡弓藏保身全名獨有子房大憤不收褒衣無帶多

言寡誠祇令事敗二解蘇秦之說六國以亡傾側賣主車

裂固當賢矣陳軫忠而有謀楚懷不從禍卒不收三解禍

夫吳起智小謀大西河何健伏尸何劣四解嗟彼郭生古

之雅人智矣燕昭可謂得臣峩峩仲連齊之高士北辭

千金東蹈滄海

五解右曲晉樂所奏

前題

宋鮑照



鳳樓十二重四戶八綺窻繡栴金蓮花桂柱玉盤龍珠  
簾無隔露一作路羅幌不勝風寶帳三千所為爾一朝容  
揚芬紫烟上垂綵綠雲中春吹回白日霜歌落塞鴻但  
懼秋塵起盛愛逐衰蓬坐視青苔滿臥對錦筵空琴瑟  
縱橫散舞衣不復縫古來共歇薄君意豈獨濃唯見雙  
黃鵠千里一相從

前題

一作鮑照

梁簡文帝

南遊偃師縣斜上灞陵東回瞻龍首堞遙望德陽宮重  
門遠照耀天閣復穹窿城傍疑複道樹裏識松風黃河  
一作沙入洛水丹泉繞射熊夜輪懸素魄朝光蕩碧空秋

霜曉驅鴈春雨暮一作晴成虹曲陽造甲第高安還禁中  
劉蒼歸作相寶憲出臨戎此時車馬合茲晨冠蓋通誰  
知兩京盛歡宴遂無窮

前題

戴嵩

欲知佳麗地為君陳帝京由來稱俠窟爭利復爭名鑄  
銅門外馬刻石水中鯨黑龍過飲渭丹鳳俯臨城羣公  
邀郭解天子問黃瓊詔幸平陽第騎指伏波營五侯同  
拜爵七貴各垂纓衣風飄颻起車塵暗浪生舞見淮南  
法歌聞齊后聲揮金留客坐饌玉待鐘鳴獨有文園客  
偏嗟武騎輕



前題

陳張正見

千門儼西漢萬戶擅東京  
雲霞上起鳩鵲月中生  
風塵暮不息簫笳夜恒鳴  
唯當藥處不入長安城

前題

隋李巨仁

京洛類神仙靄靄却雲烟  
漸臺臨太液玉樹並甘泉  
車喧平樂外騎擁濯龍前  
競結蕭朱綬爭攀李郭船  
獨悲長孺死灰猶未然

帝王所居篇

陳張正見辭

嶠函惟帝宅宛雒壯皇居  
紫微臨複道丹水亘通渠  
沈飛雨殿藹藹承明廬  
兩宮分槩日雙闕並凌虛  
休氣

克青瑣榮光入綺疏  
霞明仁壽鏡日照陵雲  
書鳴鸞背鳩鵲詔蹕幸  
儲胥長楊飛玉輦御宿  
徙金輿柳葉飄緹騎槐  
花影屬車薄暮歸平樂  
歌鐘滿玉除

門有車馬客行

一作門有萬里客魏陳思王植辭

門有萬里客問君何鄉人  
褰裳起從之果得心所親  
挽裳對我泣太息前自陳  
本是一作朔方士今為吳越民  
行行將復行去去適西秦

前題

一作鮑照

晉張華

門有車馬客問客一作君何鄉士  
捷步往相訊果得一作是又  
舊隣里悽悽聲中情  
慊慊增下俚語昔有故悲論  
今



無新喜清晨相訪慰日暮不能已歡戚競尋緒一作談

調何終止辭端竟未究忽唱分途始前悲尚未弭後感

一作感方復起嘶聲盈我口談言在君一作我耳手迹可傳

心願爾篤行李

前題

陸機

門有車馬客駕言發故鄉念君久不歸濡跡涉江湘投

袂赴門塗攬衣不及裳拊膺攜客泣掩淚敘溫涼借問

邦族間惻愴論存亡親友多零落舊齒皆彫喪市朝忽

一作至遷易城闕或丘荒墳壟日月多松柏鬱芒芒天道

信崇替人生安得長慷慨惟平生俛仰獨悲傷

前題

一作何安

梁何遜

門有車馬客言是故鄉來故鄉有書信縱橫印檢開開

書看未極行客屢相識借問故鄉人潺湲淚不息上言

離別久下言一作道望應歸寸心將夜鵲相逐向南飛

前題

陳張正見

飛觀霞光啓重門平日開北闕高箱過東方連騎來紅

塵揚翠轂赭汗染龍媒桃花夾逕聚流水傍池回投一作

揮鞭聊靜一作接電捐軫暫停雷非關萬里客自有六奇

才琴和朝雉操酒泛夜光杯舞袖飄金谷歌聲遶鳳臺

良時不可再騶馭鬱相催安知太行道失路車輪摧



牆上難為趨行

為一作用晉傅玄辭

門有車馬客驂服若騰飛華組結玉佩繁藻紛歲蕤馮  
軾垂長纓顧盼有餘輝貧主屣弊履整此藍縷衣客曰  
嘉病乎正色意無疑吐言若覆水搖舌不可追渭濱漁  
釣翁乃為周所諮顏回處陋巷大聖稱庶幾苟富不知  
度千駟賤采薇季孫由儉顯管仲病三歸夫差耽淫侈  
終為越所圍遺身外榮利然後享巍巍迷者一何衆孔  
難知德希甚美致憔悴不如豚豕肥楊朱泣路岐失道  
令人悲子貢欲自矜原憲知其非屈伸各異勢窮達不  
同資夫唯體中庸先天天不違

前題

周王褒

昔稱梁孟子兼聞魯孔丘訪政聊為述問陳豈相訓未  
代多僥倖卿相盡一作經由臺郎百金價台司千萬求  
當朝少直筆趨代皆曲鈞廷尉十年不得調將軍百戰  
未封侯夜伏擁門作常伯自有蒲萄得涼州白璧求善  
價明珠難暗投高墻不可踐井水自難浮風胡有年歲  
銛利比吳鈎

日重光行

晉陸機辭漢明帝為太子時樂人作歌  
詩四章以贊太子之德一日日重光二  
日月重輪三曰星重輝四曰海重潤

日重光奈何天迴薄日重光冉冉其遊如飛征日重光



今我日華華之盛日重光倏忽過亦安停日重光盛往  
衰亦必來日重光譬如四時固恒相催日重光惟命有  
分可營日重光但一作常惆悵才志日重光身沒之後無  
遺名

月重輪行

魏文帝辭

三辰垂光照臨四海煥哉何煌煌悠悠與天地久長愚  
見目前聖觀萬年明闇相絕何可勝言

前題

明帝

天地無窮人命有終立功揚名行之在躬聖賢度量得  
為道中

前題

晉陸機

人生一時月重輪盛年安可持一作恃月重輪吉凶倚伏  
百年莫我與期臨川曷悲悼茲去不從肩月重輪功名  
不勗之善哉古人揚聲敷聞九服身名流何穆既自才  
難既嘉運亦易愆俛仰行老存沒將何所一無所字觀志士  
慷慨獨長歎獨長歎

前題

梁戴嵩

皇基屬明兩副德表重輪重輪非是暈桂滿自恒春海  
珠含更滅階真翳且新婕妤比團扇曹王譬洛神浮川  
疑讓一作滾壁入戶類燒銀從來看顧兔不曾聞關麟北



堂豈盈手西園偏照人

蜀道難行

二首梁簡文帝辭

建平督郵道魚復永安宮若奏巴渝曲時當君思中  
巫山七百里巴水三迴曲笛聲下復高猿啼斷還續

前題

劉孝威

玉壘高無極銅梁不可攀雙流逆巖

一作巖

道九坂涇陽

關鄧侯策馬度

一作去

王生歛轡還歛轡懼身尤叱馭奉

王猷若恠千金重誰為萬里侯戲

一作獻

馬吞珠界揚舲

濯錦流沈犀厭恠水握鏡表靈丘禺山金碧有光輝遷

亭

一作停

車馬尚

一作止

輕肥彌想

一作思

王褒擁節反更

一作作

復憶相如乘傳歸君平子雲閒

一作寂

不嗣江漢英靈已

信稀

一作信已衰

前題

陳陰鏗

王尊奉漢朝靈關不憚遙高岷長有雪陰棧屢經燒輪  
摧九折路騎阻七星橋蜀道難如此功名詎可要

權歌行

魏明帝辭

王者布大化配乾稽后祇陽育則陰殺晷景應度移

一解

文德以時振武功伐不隨重華舞干戚有苗服從媯

二解

蠢爾吳中

一作蜀

虜憑江棲山阻哀哉王士民瞻仰靡依

怙

三解

皇上悼愍斯宿昔奮天怒發我許昌宮列舟于長



浦四解翌日乘波揚棹歌悲且涼太常拂白日旗幟紛設

張五解將抗旄與鉞耀威於彼方伐罪以弔民清我東南

疆右曲晉樂所奏將抗以下為趨

前題

晉陸機

遲遲暮春日天氣柔且嘉元吉隆初已濯穢遊黃河龍

舟浮鷁首羽旗垂藻葩乘風宣飛景逍遙戲中波名謳

激清唱榜人縱一作從棹歌投綸沈洪川飛繳入紫霞

前題

宋孔寧子

君子樂和節品物待陽時上位降繁祉元已命水嬉倉

武戒橋梁旄人樹羽旗高檣抗飛帆羽蓋翳華枝飲飛

激逸響媚娥吐清辭泝洄緬無介欣流愴有思仰瞻翳

雲繳俯引沈泉絲委羽漫通渚鮮染中填坻鷁鳥威江

使揚波駭馮夷夕影雖已西

終無期

前題

鮑照

羈客離嬰時飄颻無定所昔秋寓江介茲一作春客河

澣往戢于役身願言永懷楚泠泠儵疏潭邕邕鴈循渚

颺戾長風振搖曳高帆舉驚波無留連舟人不躑竚

前題

吳邁遠

十三為漢使孤劍出臯蘭西南窮天險東北畢地關岷

山高以峻燕水清且寒一去千里孤邊馬何時還遙望



烟嶂外瘴氣鬱雲端始知身死處平生從此殘

前題

梁簡文帝

妾家住湘川菱歌本自便風生解刺浪水深能捉船葉

亂由牽荇絲飄為折蓮濺妝疑薄汗沾衣似故前浣紗

一作沙流暫濁汰錦色還鮮叅同趙飛燕借問李延年從

來入絃管詎一作誰在權歌前

前題

劉孝綽

日暮楚江上江深風復生所思竟何在相望徒盈盈舟

子行催棹無所喝流聲

前題

阮研

芙蓉始出水綠荇葉初鮮且停白雪和共奏激楚絃平生此遭遇一日當千年

前題

王籍

揚舲橫大江乘流任蕩蕩輕橈暮不息復逐夜潮上時

見湘水仙恒聞解佩響

前題

北齊魏收

雪溜添春浦花水足新流桃發武陵岸柳拂武昌樓

前題

隋蕭岑

桂酒既潺湲輕舟亦乘駕鼓枻何所吟吟我皇唐化容與滄浪中淹留明月夜



前題

盧思道

秋江見底清越女復傾城  
方舟共採摘最得可憐名  
落花流寶珥微吹動香纓  
帶垂連理濕權舉木蘭輕  
順風一作避人傳細語因波寄遠情  
誰能結錦纜薄暮隱長汀

蒲坂行

齊陸厥辭

江南風已春河間柳已把  
鴈反無南書寸心何由寫  
流泊祁連山飄飄高闕下

前題

梁劉遵

漢使出蒲坂去去往交河  
間謀敢虧對驂馬脫鳴珂  
乍作渡瀘怨何辭上隴歌

白楊行

晉傅玄辭

青雲固非青當雲奈白雲  
驥從西北馳來吾何憶驥來  
對我悲鳴舉頭氣凌青雲當  
奈此驥正龍形踠足蹉跎  
長坡下蹇驢慷慨敢與我爭  
馳躑躅鹽車之中流汗兩  
耳盡下垂雖懷千里之逸志  
當時一得施白雲影影舍  
我高翔青雲徘徊戢我愁啼  
上眄增崖下臨清池日欲  
西移既來歸君君不一顧仰  
天太息當用生為青雲乎  
飛時悲當奈何耶青雲飛乎

胡無人行

古辭

望胡地何隄側斷胡頭脯胡臆



前題

梁徐摛

列一作楹登魯殿擁絮拭胡妝猶將漢閨曲誰忍奏氈房遙憶甘泉夜闇淚斷人腸

前題

吳均

劍頭利如芒恒持照眼光鐵騎追驍虜金羈討黯羗高秋八九月胡地早風霜男兒不惜死破膽與君嘗

楚調曲

楚調五曲一曰白頭吟行二曰泰山吟行三曰梁甫吟行四曰東武琵琶吟行五曰怨詩行其器有笙笛弄節琴箏琵琶瑟七種或云未弄之前有一部弦又在弄後

白頭吟

司馬相如將聘茂陵人女為妾文君作白頭吟以自絕相如乃止

皚如山上雪皎如雲間月聞君有兩意故來相決絕一解

平生共城中何嘗斗酒會今日斗酒會明日溝水頭蹀

躑御一作溝上溝水東西流二解郭東亦有樵郭西亦有

樵兩樵相推與無親為誰驕三解淒淒重淒淒嫁娶亦不

啼願得一心人白頭不相離四解竹竿何嫋嫋魚尾何離

篲男兒欲相知何用錢刀為齒如馬噉箕川上高士嬉

今日相對樂延年萬歲期五解右曲晉樂所奏一云齒

皚如山上雪皎若雲間月聞君有兩意故來相決絕今日斗酒會明日溝水頭蹀躑御溝上溝水東西流淒淒復淒淒嫁娶不須啼願得一心人白頭不相離竹竿何嫋嫋魚尾何篲從男兒重意氣何用錢刀為右本辭

前題

宋鮑照



直如朱絲繩清如玉壺冰何慙宿昔意猜恨坐相仍人  
 情賤恩舊世議一作逐衰興毫髮一為瑕丘山不可勝  
 食苗實碩鼠點白信蒼蠅鳧鵠遠成美薪芻前見凌申  
 黜褒女進班去趙姬升周王日淪惑漢帝益嗟稱心賞  
 猶一作固難恃貌恭豈易憑古來共如此非君獨撫膺

前題

陳張正見

平生懷直道松桂比貞風語默妍媸際沈浮毀譽中讒  
 新恩易盡情去寵難終彈珠金市側抵玉春一作崑山東  
 含香老顏駟執戟異楊雄惆悵崔亭伯幽憂馮敬通王  
 嬙沒胡塞班女棄深宮春苔封履跡秋葉奪妝紅顏如

花落槿鬢似雪飄蓬此時積一作長歎傷年誰復同

長歎傷年誰復同

太山吟

晉陸機辭

太山一何高迢迢造天庭峻極周已遠曾雲鬱冥冥梁  
 甫亦有館蒿里亦有亭幽塗延萬鬼神房集百靈長吟  
 太山側慷慨激楚聲

前題

宋謝靈運

岱宗秀維岳崔萃刺雲天岸嶧既嶮巖觸石輒芊綿一作

眠登封瘞崇壇降禪藏肅然石閣何掩藹明堂祕靈篇

梁甫吟

漢諸葛亮躬耕隴畝好為梁甫吟每自比於管樂三士者公孫捷田開疆古冶子事齊景公勇而無禮晏子言於公隗之二桃曰三子計功而食桃公孫捷曰吾再拜隱虎功可以



食田曰吾杖兵而御三軍者再功可以食古冶子曰君當濟河龜銜左驂治潛行水底逆流百步從流九里得龜頸功可以食二子曰吾勇不若子功不逮子取桃不讓是貪也然而不死無勇也勿頸而死治曰二子死之治獨不逮又勿頸而死或云曾子耕於太山之下天雨雪凍旬日不得歸思其父母而作梁父歌本琴操也

步出齊城門遙望蕩陰

一作追望陰陽

里里中有三墳

一作墓

纍正相似問是誰家墓田疆古冶氏

一作野子

力能排南

山文能絕地紀

一作理

一朝被讒言二桃殺三士誰能為

此謀國相齊晏子

前題

晉陸機

玉衡既

一作固

已驂羲和若飛凌四運循

一作尋

環轉寒暑

自相承冉冉年時暮迢迢天路徵招搖東北指大火西

南升悲風無絕響玄雲互相仍豐水憑川結零

一作霜又作寒

露彌天凝年命時相逝慶雲鮮克乘履信多愆期思順

焉足憑慷慨

一作氣

臨川響非此孰為興哀吟梁甫巔歎

息

一作慷慨

獨撫膺

前題

梁沈約

龍駕有馳策日御無

一作不

停陰星籥亟迴變氣化坐盈

侵寒光稍眇眇秋塞

一作色

日沈沈高窻又餘火傾河駕

騰參颯風折暮草驚籜

一作竿

實層林時雲

一作雨

靄空遠

淵水結清深奔樞

一作驅

豈易紐

一作任

珠庭不可臨懷仁



每多意履順孰能禁露清一唯促緩志且移心哀歌步  
梁甫歎絕有遺音

前題

陳陸瓊

臨淄佳麗地年少一作少小習名倡似笑脣朱動非愁眉翠  
揚掩抑隨竿轉和柔會瑟張輕扇屢迴指飛塵亟繞梁  
寄言諸葛相此曲作難忘

泰山梁甫行

魏陳思王植

八方各異氣千里殊風雨劇哉邊海民寄身於草墅妻  
子象禽獸行止依林阻柴門何蕭條狐兔翔我宇

東武吟行

一曰東武琵琶吟行晉陸機辭

投跡短世間高步長生闡濯髮冒雲冠浣一作洗身被羽

衣饑從韓衆餐寒就佚女樓

前題

宋鮑照

主人且勿誼賤子歌一言僕本寒鄉士出身蒙漢恩始

隨一作逢張校尉占一作召募到河源後逐李輕車追虜窮

一作出塞垣密塗亘萬里寧歲猶七奔肌力盡鞍甲心思

歷涼温將軍既下世部曲亦罕存時事一朝異孤績誰

復論少壯辭家去窮老還入門腰鎌刈葵藿倚杖牧一作

收鷄豚昔如韝上鷹今似檻中猿徒結一作積千載恨空

負百年怨棄席思君幄疲馬戀君軒願垂晉主惠不愧



田子寬

前題

梁沈約

天德深且曠人世賤而浮東枝裁拂景西壑已停軒逝  
辭金門寵去飲玉池流霄響一永矣俗累從此休

怨詩行

一曰怨歌行古辭

天德悠且長人命一何促百年未幾時奄若風吹燭嘉  
賓難再遇人命不可續齊度遊四方各繫太山錄人間  
樂未央忽然歸東嶽當須盪中情遊心恣所欲

前題

一作明月照高樓本七哀詩

魏陳思王植

明月照高樓流光正徘徊上有愁思婦悲歎有餘哀

借問歎者誰自云宕

一作客

子妻夫行踰十載賤妾常獨

棲

二解念君過於渴思君劇於饑君作

一作為

高山柏

一作桐

妾為濁水泥三解北風行蕭蕭烈烈入吾耳心中念故人

淚墮不能止

四解

浮沈各異路會合當何諧願作東北風

吹我入君懷

五解

君懷常不開賤妾當何依恩情中道絕

流止任東西

六解

我欲竟此曲此曲悲且長今日樂相樂

別後莫相忘

七解右曲晉樂所奏

明月照高樓流光正徘徊上有愁思婦悲歎有餘哀  
借問歎者誰言是宕子妻君行踰十年孤妾常獨棲  
君若清路塵妾若濁水泥浮沉各異勢會合何時諧  
願為西南風長逝入君懷君懷良不開賤妾當何依  
右本辭



前題

阮瑀

民生受天命漂若河中塵雖稱百齡壽孰能應此身猶  
獲嬰凶禍流落一作離恒苦辛

前題

晉翔風

春華誰不美卒傷秋落時突烟還自低鄙退豈所期桂  
芳徒自蠹失愛在蛾眉坐見芳時歇憔悴空自嗤

前題

示雁主簿鄧治中

陶淵明

天道幽且遠鬼神茫昧然結髮念善事僂俛六九一作五十一  
年弱冠逢世阻始室喪其偏炎火屢焚如螟蟻恣中田  
風雨縱橫至收歛不盈廛夏日長抱饑寒夜無被眠造

夕思鷄鳴及晨願鳥遷在已亦何怨一作何怨天離憂悽日

前吁嗟身後名於我若浮烟慷慨獨一作激悲歌鍾期信

為賢

前題

梅陶

庭植不材柳苑育能鳴鶴鼓枝遊蛙畝棲釣一丘壑晨  
悅朝敷榮夕乘南音客晝立薄遊景暮宿漢陰魄庇身  
蔭王猷罷蹇反幻迹

前題

宋湯惠休

明月照高樓含君千里光巷中情思滿斷絕孤妾腸悲  
風盪帷帳瑤翠坐自傷妾心依天末思與浮雲長嘯歌



視秋草幽葉豈再揚暮蘭不待歲離華能幾芳願作張  
女引流悲繞君堂君堂嚴且秘絕調徒飛揚

前題

梁簡文帝

秋風與白團本自不相安新人及故愛意氣豈能寬黃  
金肘後鈴白玉案前盤誰堪空對此還成無歲寒

前題

劉孝威

退寵辭金屋見譴斥甘泉枕席秋風起房櫳明月懸燭  
避窻中影香迴爐上烟丹庭斜草徑素壁點苔錢歌起  
蒲生曲樂奏下山絃新聲昔廣宴餘杯今自傳王嬙向  
絕漢宗女入祁連鴈書猶未返角馬無歸年昭臺有一作

省勝御會坂無棄捐後薪隨復積前魚誰更憐

前題

一作情詩

陳張正見

新豐妖冶地遊俠競嬌奢池臺間羅綺桃李襍烟霞葢  
影分連騎衣香合並車艷粉驚飛蝶紅妝映落花舞衫  
飄冶袖歌扇掩團紗玉牀珠帳卷金樓鏡月斜還疑蕭  
史鳳不及季倫家

前題

二一首

江總

採桑歸路河流深憶昔相期柏樹林奈許新縑傷妾意  
無由故劍動君心

新梅嫩柳未障羞情去思一作思移那可留團扇篋中言



不分一作盡織腰掌上詎勝愁

怨歌行

一曰班婕妤漢班婕妤初為成帝所寵愛後幸趙飛燕姊弟冠於後宮婕妤自知見薄乃退居東宮作怨扇詩以自傷悼或云顏延年之辭

新裂

一作製齊紈素皎一作鮮潔如霜雪裁成一作為合歡扇

團團

一作圓似明月出入君懷袖動搖微風發常恐秋節

至涼

一作風斂炎熱弃捐篋笥中恩情中道絕

前題

魏陳思王植

為君既不易為臣良獨難忠信事不顯乃有見疑患周公佐成王金滕功不刊推心輔王室二叔反流言待罪居東國泣涕常流連皇靈大動變震雷風且寒拔樹偃

秋稼天威不可干素服開金滕感悟求其端公旦事既

顯成王乃哀歎吾欲竟此曲此曲悲且長今日樂且樂

別後莫相忘

右曲晉樂所奏

前題

梁簡文帝

十五頗有餘日照杏梁初蛾眉本多嫉掩鼻特成虛持此傾城貌翻為不肖軀秋風吹海水寒霜依玉除月光臨戶駛荷花依浪舒望簷悲雙翼窺沼泣前魚一作王餘苔生履處沒草合行人疎裂紈傷不盡歸骨恨難祛早知長信別不避後園輿

前題

沈約



時屯寧易犯俗險信難羣坎壈元叔賦頓挫敬通文遽  
淪班姬寵夙窆賈生墳短俗同如此長歎何足云

前題

周庾信

家住金陵縣前嫁得長安少年回頭望鄉淚落不知何  
處天邊胡塵幾日應盡漢月何時更圓為君能歌此曲  
不覺心隨斷弦

怨歌行朝時篇

晉傅玄

昭昭朝時日皎皎晨

一作最

明月十五入君門一別終華

髮同心忽異離曠如

一作若

胡與越胡越有會時參辰遼

且潤形影雖髣髴音聲寂無達織絃感促柱觸之哀聲

發情思如循環憂來不可遏塗山有餘恨詩人詠採葛

蜻蛉吟牀下回風起幽闥春榮隨路落芙蓉生木末自

傷命不遇良辰永乖別已爾可奈何譬如紈素裂孤雌

翔故巢星流光景絕魂神馳萬里甘心要同穴

班婕妤

一曰婕妤怨

晉陸機

婕妤去辭寵淹留終不見寄情在玉階託意惟團扇春

苔暗階除秋草蕪高殿黃昏

一作昏黃

履綦絕愁來空雨面

前題

梁元帝

婕妤初選入含媚向羅幃何言飛燕寵青苔生玉墀誰  
知同輦愛遂作裂紈詩以茲自傷苦終無長信悲



前題

劉孝綽

應門寂已閉非復後庭時况在青春日萋萋綠草滋妾  
身似秋扇君恩絕履綦詎憶遊輕輦從今一作徒令賤妾辭

前題

和湘東王教

何思澄

寂寂長信晚雀聲喧洞房蜘蛛網高閣駁薛被長廊虛  
殿簾幃靜閒堦花藥香悠悠視日暮還復守一作拂空牀

前題

和湘東王教

孔翁歸

長門與長信日暮九重空雷聲聽隱隱車響絕龍龍恩  
光隨妙舞團扇逐秋風鉛華誰不慕人意自難終

前題

一作王淑英妻

劉氏

徐悱妻

日落應門閉愁思百端生况復昭陽近風傳歌吹聲寵  
移終不恨讒枉太無情祗言爭分理非妬舞腰輕

前題

陳陰鏗

栢梁新寵盛長信昔恩傾誰謂詩書巧翻為歌舞輕花  
月分牕進苔草其堦生接淚衫前滿單暝一作眠夢裏驚  
可惜逢秋扇何用合歡名

前題

何楫

齊統既逐篋趙舞即凌人履跡隨恩故階苔逐恨新獨  
臥銷香炷長啼費錦一作手巾庭草何聊賴也持秋當春

大曲

凡諸大曲竟黃老彈獨出舞無亂



滿歌行 古辭

為樂未幾時遭世險巖逢此百罹零丁荼毒愁懣難支  
 遙望辰極天曉月移憂來填心誰當我知一解戚戚多思  
 慮耿耿不寧禍福無形唯念古人遜位躬耕遂我所願  
 以茲自寧自鄙山棲守此一榮二解暮秋烈風起西蹈滄  
 海心不能安攬衣起瞻夜北斗闌干星漢照我去去自  
 無他奉事二親勞心可言三解窮達天所為智者不愁多  
 為少憂安貧樂正道師彼莊周遺名者貴子熙同巖往  
 者二賢名垂千秋四解飲酒歌舞不樂何須善哉照觀日  
 月日月馳驅軼軻世間何有何無貪財惜費此何一愚

命如鑿石見火居世竟能幾時但當歡樂自娛盡心極

所嬉怡安善養君德性百年保此期願 右曲晉樂所奏飲酒以下為趨

為樂未幾時遭時險巖逢此百罹零丁荼毒愁懣苦難  
 為遙望極辰天曉月移憂來填心誰當我知戚戚多  
 思慮耿耿殊不寧禍福無形唯念古人遜位躬耕遂  
 我所願以茲自寧自鄙山棲守此末榮莫秋烈風昔  
 蹈滄海心不能安攬衣瞻夜北斗闌干星漢照我去  
 自無他奉事二親勞心可言窮達天為智者不愁多  
 為少憂安貧樂正道師彼莊周遺名者貴子熙同遊往  
 者二賢名垂千秋飲酒歌舞樂復何須照視日月日  
 月馳驅軼軻人間何有何無貪財惜費此一何愚鑿  
 石見火居代幾時為當歡樂心得所喜安神養性得  
 保遐期右木辭

雜擬

置酒高殿上

魏陳思王相和引筮筴引云置酒高殿上親交從我遊



三清傳旨酒柏梁奉歡宴霜雲動玉葉凍水疎金箭羽  
籥響鐘石流泉灌金殿盛時不再得光景馳如電

陳江總

前題

張正見

陳王開甲第粉壁麗椒塗高牕侍玉女飛闥敞金鋪名  
香散綺幕石硯一作墨彫金鑪清醪稱玉饋浮蟻擅蒼梧  
鄒嚴恒接武申白日相趨容與升階玉差池曳履珠千  
金一巧笑百萬兩鬟姝趙姬未鼓瑟齊客罷吹竽歌喧  
桃與李琴挑鳳將雛魏君慙舉白晉主媿投壺風雲更  
代序人事有榮枯長卿病消渴壁立還成都

江南可採蓮

古辭相和曲江南云江南可採蓮蓮

梁劉綏

春初北岸涸夏月南湖通卷荷舒欲倚芙蓉生卽紅檝  
小宜迴逕船輕好入叢釵光逐影亂衣香隨逆風江南  
少許地年年情不窮

晨雞高樹鳴

古辭相和曲鷄鳴云鷄鳴高樹顛或  
出於此

陳張正見

晨雞振翮鳴出迥擅奇聲蜀郡隨金馬天津應玉衡摧  
冠驗遠石繫火出連營爭棲斜揭暮解翼橫飛度試飲  
淮南藥翻上仙都樹枝低且候潮葉淺還承露承露觸



嚴霜葉淺伺朝陽

一有不見二字

猜羣怯寶劍勇戰出花場當

損黃金距誰論白玉璫

一有豈知二字

長鳴逢晉帝恃氣遇周

王流名說魯國分影入陳倉不復愁苻朗猶能感孟嘗

城上烏

相和曲有烏生或出於此

梁吳均

嗚嗚城上烏翩翩尾畢逋凡生八九子夜夜啼相呼質

微知慮少體賤毛衣麤陛下三萬歲臣至執金吾

前題

朱超道

朝飛集帝城猶帶

一作

夜啼聲近日毛雖暖聞弦心尚

驚

楚王吟

吟歎曲有楚妃歎或出於此

梁張率

章臺迎夏日夢遠感春條風生竹籟響雲垂草綠饒相

看重束素唯欣爭細腰不惜同從理但使一聞韶

銅雀臺

一曰銅雀妓魏武帝遺命諸子曰吾死之後葬於鄴之西岡上與西門豹祠相近無

藏金玉珠寶餘香可分諸夫人不命祭吾妾與伎人皆著銅雀臺臺上施六尺牀下總帳朝脯

上酒脯糗糒之屬每月初十五輒向帳前作伎汝等時登臺望吾西陵墓田臺在鄴城建安十

五年築其臺最高上有屋一百二十間連接棟棟侵徹雲漢鑄大銅雀置於樓顛舒翼奮尾勢

若飛動因名為銅雀臺後文帝自製平調曲短歌行辭仰瞻帷幕俯察几筵云云撫箏和歌奏

之臺上銅雀臺或出於此

齊謝朓

總帷飄井幹樽酒若平生鬱鬱西陵樹詎聞歌吹聲芳

襟染淚迹嬋娟空復情玉座猶寂寞况乃妾身輕



前題

陳張正見

淒涼銅雀晚搖落墓田通雲慘當歌日松吟欲舞風人  
疏瑶席冷曲罷總帷空可惜年將淚俱盡望陵中

前題

北齊荀仲舉

高臺秋色晚直望已淒然況復歸風便松聲入斷弦淚  
逐梁塵下心隨團扇捐誰堪三五夜空對月光圓

銅雀妓

梁何遜

秋風木葉落蕭瑟管弦清望陵歌對酒向帳舞空城寂  
寂簷一作簾宇曠飄飄帷幔輕曲終相顧起日暮松柏聲

前題

劉孝綽

雀臺三五日弦一作歌吹似佳期况復一作定對西陵晚松風

吹一作飄總帷危弦斷復續一作更接妾心傷一作心傷於此時誰

一作何言留客袂還一作翻掩望陵悲

前題

江淹

武皇去金閣英威長寂寞雄劍頓無光雜佩亦銷爍秋  
至明月圓風傷白露落清夜何湛湛孤燭映蘭幙撫影  
愴無從惟懷憂不薄瑤色行應罷紅芳幾為樂徒登歌  
舞臺終成螻蟻廓

銅雀悲

齊謝朓

落日高城上餘光入總帷寂寂深松晚寧知琴瑟悲



木禾歌  
置酒高堂上  
晉陸機平調曲短歌行云置酒高堂  
悲歌臨觴或出於此

宋孔欣

置酒宴友生高會臨疎櫺芳俎列嘉肴山疊滿春青廣  
樂充堂宇絲竹橫兩楹邛郫有名倡承間奏新聲八音  
何寥亮四座同歡情舉觴發湛露銜盃詠鹿鳴觴謔可  
相娛揚解意何榮顧歡來義士暢哉矯天誠朝日不夕  
盛川流常宵征生猶懸水溜死若波瀾停當年貴得意  
何能競虛名

前題

一題上有當字

梁簡文帝

置酒宴嘉賓矚迥臨飛觀絕嶺隔天餘長嶼橫江半日

色花上綺風光水中亂三益既葳蕤四始方恣粲

雙桐生空井

魏明帝平調曲猛虎行云雙桐生空井  
井枝葉自相加

梁簡文帝

季月雙桐井新枝雜舊株晚葉藏棲鳳朝花拂曙鳥還

看西

一作

子照銀牀繫轆轤

中婦織流黃

古辭清調曲相逢行云大婦織綺羅  
中婦織流黃

梁簡文帝

翻花滿階砌愁人獨上機浮雲西北起孔雀東南飛調  
絲特繞腕易鐏乍牽衣鳴梭逐動釧紅妝映落暉

前題

陳徐陵



落花還

一作飛

井上春機當戶前帶衫行障口覓釧枕檀

一作入壇

邊數躡經無亂新漿緯易牽蜘蛛夜伴織百舌曉

驚眠封用黎陽土書因計吏船欲知夫壻處今督水衡

錢

前題

北齊盧詢

別人心已怨愁空日復斜然香望韓壽磨鏡待秦嘉殘  
絲愁績爛餘織恐縑賒支機一片石緩轉獨輪車下簾  
還憶月挑燈更惜花似天河上景春時織女家

蒲生我池中

魏甄后清調曲塘上行云蒲生我池中其葉何離離

梁元帝

池中種蒲葉葉影蔭池濱未好中宮薦行堪隱士輪爲  
書聊可截匹柳復宜春瑞葉生苻苑鏤碧獻周人

江蘿生幽渚

晉陸機清調曲塘上行云江蘿生幽渚微芳不足宣

梁沈約

澤蘭被荒徑孤芳豈自通幸逢瑤池曠得與金芝叢朝  
承紫臺露夕潤綠池風旣美修嫿女復悅繁華童夙昔  
玉霜滿旦暮翠條空葉飄儲胥右芳歇露寒東紀化尚  
盈旻俗志信積隆財殫交易絕華落愛難終所惜改驩  
眇豈恨逐征蓬願回昭陽景持一作時照長門宮

長笛吐清氣

魏文帝瑟調曲聲長笛吐清聲哉行云悲絃激新



木利哥爾 卷六

陳周弘讓

商聲傳後出龍吟鬱前吐情斷山陽舍氣咽平陽塢吳  
騎爭北歸偏知別鄉苦羈旅情易傷零淚如交雨

前題

賀徹

胡關氛霧侵羌笛吐清音韻切山陽曲聲悲隴上吟柳  
折城邊樹梅舒嶺外林方知出塞虜不憚武溪深

丹霞蔽日行

本瑟調曲步出夏門  
行中辭

魏文帝

丹霞蔽日采虹垂天谷水潺潺木落翩翩孤禽失羣悲  
鳴雲間月盈則冲華不再繁古來有之嗟我何言

前題

陳思王植

紂為昏亂殘虐忠一作忠虐正周室何隆一門三聖牧野致

功天亦革命漢祚一作祖之興階秦一作秦階之衰雖有南面

王道陵夷炎光再幽殄一作忽滅無遺

泛舟橫大江

魏文帝瑟調曲飲馬行云泛舟橫大江  
江討彼犯荆虜

梁簡文帝

滄波白日暉遊子出王畿旁望重山轉前觀遠帆稀廣  
水浮雲吹江風引夜衣旅鴈同洲宿寒鳧夾浦飛行客

誰多病一作興當念早旋歸

前題

陳張正見

大江修且濶揚舲度迴磯波中畫鷁涌帆上錦花飛舟

目下大祥

卷六

百三一



移歷浦月權舉濕春衣王孫定一作客若遠詎待送將歸

婀娜當軒織晉陸機瑟調曲青青河畔草云皎皎彼姝文婀娜當軒織

陳蕭詮

東南初日照秦樓西北織婦正嬌羞綺牕猶垂翡翠幌  
珠簾半上珊瑚鈎新粧入機映春牖弄杼鳴梭挑織手  
何曾織素讓新人不掩流蘇推中婦三日五匹未言遲  
衫長腕弱繞輕絲綾中轉躡成離鵠錦上迴文作別詩  
不惜紈素同霜雪更傷秋扇篋中辭

今日樂相樂

古辭瑟調曲艷歌何嘗行云今日樂相樂萬歲期延年

陳江總

綺殿文雅適玳筵歡趣密鄭態逶迤舞齊弦窈窕瑟金  
疊送縹觴玉井沈朱實願此北堂宴長奉南山日

班去趙姬升

宋鮑照楚調曲白頭吟云申黜褒女進班去趙姬升

陳徐湛

班姬與飛燕俱侍漢王宮不意恩情歇偏將衰草同香  
飛金輦外苔上玉階中今日悲團扇非是為秋風

明月照高樓

魏陳思王楚調曲怨詩行云明月照高樓流光正徘徊

梁武帝

圓魄當虛闥清光流思延延思對一作照孤影悽怨還自  
憐臺鏡早生塵匣琴又無絃悲慕屢傷節離憂亟華年



君如東扶景妾似西柳烟相去既路迥明晦亦殊懸願  
為銅鐵轡以感長樂前

玉階怨

楚調曲有班婕妤怨歌行或出於此

齊謝朓

夕殿下珠簾流螢飛復息長夜縫羅衣思君此何極

前題

一作謝朓

虞炎

紫藤拂花樹黃鳥度青枝思君一歎息苦淚應言垂

長門怨

漢武帝為膠東王時長公主嫖有女欲與王婚景帝未許後長主還宮抱王置膝上

問曰兒欲得婦否長主指左右長御百餘人皆云不用指其女問曰阿嬌好否笑對曰若得阿

嬌作婦當作金屋貯之遂成婚及為后擅寵驕貴十餘年而無子聞衛子夫得幸幾死者數焉

元光五年廢居長門宮愁悶悲思聞司馬相如工文章奉黃金百斤令為解愁之辭相如為作

長門賦帝見而傷之更得親幸楚調曲有班婕妤怨歌行或出於此

梁柳惲

玉壺夜悒悒應門重且深秋風動桂樹流月搖輕陰綺

簷清露漙漙

一作滴

網戶思蟲吟歎息下蘭閣含愁奏雅琴


何由鳴曉佩復得抱宵衾無復金屋念豈照長門心

前題


費昶

向夕千愁起自悔何嗟及愁思且歸牀羅襦方掩泣絳

樹搖風軟黃鳥弄聲急金屋貯嬌時不言君不入







Handwritten text in vertical columns, likely a list or index. The text is written in a traditional Chinese style, possibly using seal script or a highly stylized cursive script. The characters are arranged in several columns, with some larger characters at the top of each column. The text is somewhat faded and difficult to read due to the age and style of the writing.



